

四庫全書

集部

欽定四庫全書

集部

補注杜詩卷三十三

臣永瑤恭校

檢討臣何思鈞覆勘

總校官進士臣朱銓

校對官助教臣胡予襄

謄錄監生臣陳執中

欽定四庫全書

補注杜詩卷三十三

宋 黃希 原本

黃鶴 補注

太歲日

大曆三年作

補注

鶴曰大曆三年太歲戊申今題云太歲日則又是戊申日按舊史大曆三年春正月

丙午朔則戊申乃初三日或以巫山坐復春之句為在二年然二年太歲丁未而正月朔為壬

子則丁未日乃在二月下旬矣此詩云閭闔開黃道衣冠拜紫宸正以新元而言當是三年正

月初三

日作

楚岸行將老巫山坐復春

秦昭三十年伐楚取黔中巫

郡是也漢為巫郡今縣北有巫山

病多猶是客謀拙竟

何人

洙曰顏延年存沒竟何人炯介在明淑

閭闔開黃道衣冠拜紫宸

洙曰

丘希範侍宴樂遊苑詰旦開閭闔馳道聞鳳吹離騷吾令帝閭闔開兮倚閭闔而望予曹植閭闔天衢通前漢游閭闔觀坐臺天門開軼蕩蕩大人賦排閭闔而入帝居楊炯賦閭闔開兮涼風颭庾肩吾閭闔九門通唐韓皋為中丞常有所陳必於紫宸殿對百寮而請未嘗詣便殿下伯玉中書郎詩曰大方信包含優渥遂不已躍鱗龍鳳池揮翰紫宸裏補注希曰冠榮傳閭闔九重注閭闔天池

曰唐紫宸殿者正殿名李銳上疏紫宸殿者周之路寢漢之前殿陛下所以負黼宸正黃屋饗萬國朝諸侯人

臣至敬

榮光懸日月

珠曰中候曰榮光出河休氣四塞榮光即五色也易繫曰懸象著明

莫大乎日月趙曰瞻天顏也天子之容謂之日月之光

賜與出金銀

珠曰蜀先主傳取蜀中金

銀錢賜

愁寂駕行斷

拾遺今流落於外故云駕行斷

參差虎穴鄰

珠曰班超曰不入虎穴不得虎子吳志呂蒙欲從軍母止之蒙曰不探虎穴安得虎

子趙曰公自謂在夔州乃與虎狼之穴相近也

西江元下蜀

趙曰楚人指北斗蜀江為西江

故臨秦

北修可曰長安上直北斗謂之北斗城

散地逾高枕

夢符曰按王弼

投戈散地則六親不能相保趙曰指言居夔州是閑散之地也

補注

希曰黠布傳自戰其地為散地師古

曰謂在其本地戀土懷安故易逃散又高帝紀足下高枕而王千里張良傳君安得高枕而卧

生涯脫

要津

趙曰古詩先據要路津脫要津則不在駕鸞之行矣

天邊梅柳樹相見幾回

新

蘇曰謝奉客居江表佳門前梅柳幾回見新秋葉故人無音信何也

元日示宗武

大厯三年作

補注

鶴曰公以大厯三年正月出峽而今詩云不見江東弟高歌淚數行則是其年作蓋

其弟觀隔年已迎家至江陵公已決意出峽故以獨不見江東之弟為憂時弟豐在江東也

汝啼吾手戰吾笑汝身長

趙曰手戰老病處處逢正月也身長長大也

迢迢滯遠方飄零還柏酒

洙曰周庾信正旦蒙趙王賚酒詩柏酒隨銘至椒花逐頌

來梁庾肩吾詩云聊用柏葉酒且奠五辛盤尹曰崔寔四月月令曰元日進椒花酒椒是玉衡星精服之令人

身輕能走柏是仙藥進
酒次第以年少者為先
衰病只藜牀洙曰管寧家貧坐

倦訓諭青衿子洙曰鄭國風青青子衿毛註青領男名

慙白首郎洙曰前漢馮唐以孝廉為郎中署長事文帝

實言王仲宣詠史詩馮公豈不偉白首不見招顏驥漢

文帝時為郎至武帝輦過郎署見駟龐眉皓髮問曰叟

何時為郎何其老也答曰臣文帝時為郎文帝好文而

臣好武景帝好美臣貌陋陛下好壯臣已老矣是以三

朝不遇故老於郎署帝賦詩猶落筆洙曰具質牋曰置

感其言擢拜會稽郡尉賦詩猶落筆洙曰具質牋曰置

蘇曰丘希範落筆獻壽更稱觴洙曰潘安仁稱不見江

賦詩四座失色

東弟高歌淚數行洙曰弟豐在江左無消息

欽定四庫全書

補注杜詩

三

遠懷舍弟穎觀等大厯三

年作

補注

鶴曰詩云江漢春風起冰霜昨夜除又舊時元日會鄉黨羨吾廬當是大厯三年正

月旦
日作

陽翟空知處荆南近得書

洙曰陽翟屬潁川郡夏禹所受封也

補注

希曰按唐

志陽翟初隸嵩州貞觀元年屬許州龍朔二年隸洛州會昌三年復屬許州此詩作於大厯三年則是時陽翟屬洛州洛即河南府公之弟穎所處荆南即江陵公積之弟觀迎婦至彼所謂績得書迎就當陽居止是也

年仍遠別多難不安居

蘇曰岑襄晉末兵戈王室多難雖有高堂峻宇不得安居

江

漢春風起冰霜昨夜除雲天猶錯莫花萼尚蕭疎

趙曰以興

兄弟之離隔也師曰陽翟屬潁川郡舍弟所在子美居
荆南玄宗篤友悌起花萼樓取棠棣之華鄂不韡韡乃
燕兄弟之意對酒都疑夢吟詩正憶渠補注
鶴曰渠猶言伊蓋梁陳以

來語庾信詩無事教渠莫相失舊時元日會鄉黨羨吾廬洙曰陶潛詩吾亦愛吾廬

續得觀書迎就當陽居止正月中旬定出三峽

補注

鶴曰當陽乃江陵屬邑詩云頌椒添諷詠當是大厯三年元日作

自汝到荆府書來數喚吾頌椒添諷詠洙曰周庾信正旦詩椒花逐頌

來禁火卜歡娛洙曰荆楚歲時記去冬節一百五日即有疾風甚雨謂之寒食禁火三日琴操

晉文公與介子綏俱遁子綏割腓股以啖文公文公復國子綏無所得作龍蛇之歌而隱文公求之不得乃焚

左右木子綴抱木而死文公哀之令人五月五日不得
舉火今陸劇鄭中記並云寒食斷火起於子推琴操所
云子綰即子推也又云五月五日與介有異皆因流俗
所傳據左傳史記並無介子推被火焚之事按周禮司
烜氏仲春以木鐸修火禁於國中註云為季春將出火
也今寒食節氣是春之末三月之極然則禁火蓋周之
舊制趙曰序言正月月中旬
定出峽於寒食必相聚矣
舟楫因人動形骸用杖扶天

旋變子峽

洙曰魚腹古夔子峽也

春近岳陽湖

洙曰岳陽湖在巴陵蘇曰梁汶曰岳

陽春近吾將鼓枻放曠澤國與綦
筮盡老矣鄭曰即巴陵洞庭湖

發日排南喜傷神散

北吁飛鳴還接翅

洙曰小宛詩題彼鵲鵲載飛載鳴

行序密銜蘆

洙曰春秋

繁露鴈有行列王制云凡之齒鴈行淮南子俗薄江山
鴈從風而飛以愛氣力銜蘆飛以避繒繳

好時危草木蘇馮唐雖晚達終覲在皇都

蘇曰梁詢曰如馮唐垂白

尚真晚達趙曰馮唐公以自比其白首為郎也

將別巫峽贈南卿兄瀼西果園四十畝

趙曰果園四十畝而公直舉以贈人此一段美事而古今未嘗掄揚公之美良可歎也

補注

鶴曰題云將別巫峽又詩云正月喧鶯末茲辰放鷁初當是大歷三年正月作

苔竹素所好萍蓬無定居

洙曰木玄虛海賦萍流而蓬轉

遠遊長兒子

幾地別林廬雜藥紅相對他時錦不如具舟將出峽巡

圃念攜鋤正月喧鶯未茲辰放鷁初

洙曰司馬相如賦浮文鷁揚桂柁註

鷁水鳥畫其象於舟首以厭水神
淮南子曰龍舟鷁首天子之乘也
雪籬梅可折風榭柳

微舒託贈卿家有因歌野興疎殘生逗江漢何處狎樵
漁

送大理封主簿五郎親事不合却赴通州主簿
前閬州賢子余與主簿平章鄭氏女子垂欲納
采鄭氏伯父京書至女子已許他族親事遂停
大厯三
年作

補注

鶴曰梁權道編在大厯三年今詩云餘寒
折花卉恨別滿江鄉當作是年正月未出

峽前作

禁嚮去東牀

洙曰晉謝琨初孝武帝為晉陵公主求婿謂王珣曰主婿但如劉真長王子敬便足

如王處仲桓元子誠可才小富貴便豫人家事珣對曰謝琨雖不及真長不減子敬帝曰如此便足未幾帝崩

袁山松欲以女妻之珣曰卿莫近禁嚮初元帝始鎮建鄴公私窘罄每得一豚以為珍膳項上一嚮尤美輒以

薦帝羣臣未嘗敢食于時呼為禁嚮故珣因為戲琨竟尚主王羲之傳太尉郗鑒使門生求女婿於王導導令

就東廂偏觀子弟門生歸謂鑒曰王氏諸少並佳然聞信至咸自矜持惟一人在東牀坦腹食獨若不聞鑒曰

此正佳婿也訪之乃羲趨庭赴北堂洙曰語陳允問於之也遂以其女妻之

曰未也嘗獨立鯉趨而過庭曰學詩乎對曰未也不學詩無以言鯉退而學詩鄭詩伯兮焉得諛草言樹之背

次定四庫全書

補注杜詩

六

註背北堂也疏背者何背之義婦人所常處者堂也故知背為北堂士昏禮云婦洗在北堂註房半以北為北

堂者房室所居之地總謂之堂風波空遠涉蘇曰劉琨至高安歎曰琴

瑟幾虛張

洙曰詩棠棣妻子好合如鼓瑟琴董仲舒琴瑟不調必解而更張之趙曰夫婦以比琴瑟

也公自注云幾音洎蓋巨至切洎及也

渥水出騏驎

洙曰漢武元鼎四年馬生渥洼水中李斐

曰南陽新野有暴利長當武帝時屯田熒煌界數於此水旁見羣野馬中有奇者與凡馬異來飲此水利長先

作土人持勒鞞於旁後馬翫習久之乃令人代土人持勒鞞收得其馬獻之以神異此馬云從水中出師古曰

渥音

崑山生鳳凰

洙曰東京賦鳴女床之鳥鳥舞丹穴之鳳凰

兩家誠款款

蘇曰索靖法帖兩家誠心款款奈凡作催何

中道許蒼蒼頗謂秦晉匹

洙曰襄二

十七年傳趙孟曰晉楚齊秦匹也晉之不能於齊猶楚之不能於秦也又秦晉匹也何以卑我從來王

謝郎

洙曰晉江左以王謝為膏族嘗通婚

青春動才調

蘇曰彌衡青春惱客意處處動微吟

白首缺輝光玉潤終孤立

洙曰晉樂廣字彥輔人謂之冰鏡女婿衛玠字叔寶時號

玉人故時語曰婦翁冰清女媚玉潤也

珠明得闇藏

洙曰漢鄒陽云明月之珠夜光之璧以闇

投於道眾莫不投劍相盼矣

餘寒折花卉恨別滿江鄉

人日兩篇

大曆三年作

彥輔曰前五後七董勛問禮俗曰正月一日為雞二日為狗三日為猪四日為羊五日為牛六日為馬七日為人則正旦重雞補注鶴曰後篇於門七日鑊人戶上良為此也

引江湖興大
歷三年作

元日到人日

修可曰西清詩話云都人劉克窮該典籍嘗與客論云元日至人日未有不陰時人

知其一不知其二四百年惟子美與克會耳起牀就架取書與客曰此東方朔占書也歲後八日一日為難二日為狗三日為豕四日為羊五日為牛六日為馬七日為人八日為穀其日晴主所生之物育陰則災少陵意謂天寶離亂四方雲擾幅裂人物歲歲俱災此春秋書王正月意耶深得古人深心未有不陰時

冰雪鶯難至春寒花較遲雲隨白水落風振紫山悲蓬

鬢稀疎久無勞比素絲

蘇曰柳博蓬首愁搔稀疎之甚羞比素絲

此日此時人共得一談一笑俗相看

蘇曰王遇元語弟曰一談一笑世俗

酒炙之歡豈識文字真樂耶余元日在善化因書此詩二篇與楊太守

樽前栢葉休隨酒

洙曰見元日示宗武詩注

勝裏金花巧耐寒

洙曰人日造華勝相遺起於晉代見賈充李夫

人曲云像瑞圖金勝之形又像西王母戴勝也歲時記人日以七種菜為羹剪綵為花勝以相遺或鏤金薄為

人勝以像瑞圖之形

佩劍衝星聊暫拔

洙曰晉與服志漢自天子至百官無不佩劍其後唯

朝帶晉書斗牛之間有紫氣雷煥曰寶劍之精上徹於天

匣琴流水自須彈

洙曰琴有三峽

流泉操趙曰伯牙志在流水鍾子期曰湯湯哉舊注所引却是流泉操也

早春重引江湖興

直道無憂行路難

趙曰行路難古曲名言以直道行之無往而不可也

江梅

大厯二年作

趙曰江遼之梅也如在嶺曰嶺梅在野曰野梅
官中所種曰官梅而後之學者凡見梅便謂之
江梅補注鶴曰中原土厚梅肥其花特大而江
誤矣南一種花獨小或名之曰江梅蓋以
別北梅也此詩云故園不可見巫岫鬱嵯峨則
是未定出峽時作若是大厯三年將去夔時不
應詩意不及之
當是大厯二年

梅蘂臘前破梅花年後多絕知春意早最奈客愁何雪
樹元同色江風亦自波故園不可見巫岫鬱嵯峨

洙曰陸機

樂府雲山鬱嵯峨潘安仁崇岡
鬱嵯峨陸又云崇山鬱嵯峨

庭草

大厯二年作

補注

鶴曰詩云步履宜輕過開筵得屢供則作詩時未有放舟出峽之意當是大厯二年

楚草經寒碧庭春入眼濃舊低收葉舉

趙曰言舊收斂之葉以春來而

舉起也

新掩捲牙重步履宜輕過開筵得屢供看花隨節

序不敢強為容

大厯三年春白帝城放船出瞿塘峽久居夔府將

適江陵漂泊有詩凡四十韻

補注

鶴曰詩言舟行所經之地至宜都而止則此詩作於夷陵也

老向巴人裏

洙曰傳莊十八年巴人伐楚修可曰劉璋分三巴以夔為中巴地也

今辭楚

塞隅入舟翻不樂解纜獨長吁

洙曰謝靈運解纜乃流潮又入舟陽已微趙曰

楚塞指白帝城不樂長吁公自傷流離也

窄轉深深啼狎

余救切

虛隨亂浴鳧石

苔凌几杖空翠撲肌膚

蘇曰陰亮山行謂友人曰空翠爽人肌膚泉流清人耳目乍脫

塵鞅永日忘歸

疊壁排霜劒奔泉濺水珠

蘇曰屈平亂山橫劒奔泉濺珠

杳冥

藤上下濃淡樹榮枯神女峯娟妙

鄭曰盛弘之荊州北巫山有神女峯

昭

君宅有無

鄭曰寰宇記歸州巴東有王昭君宅

曲留明怨惜夢盡失歡娛

洙曰怨惜一作怨別昭君宅在夔州子美負薪行云若道巫山女麗醜何得此有昭君材石季倫昭君辭曰王

昭君者本為王昭君以觸晉文帝諱改之匈奴盛請婚於漢元帝以後宮良家子明君配焉昔公主嫁烏孫令

琵琶馬上作樂以慰其道路之思其送明君亦爾也其
造新之曲多哀怨之聲神女峯在巫山宋玉高唐賦曰
昔先王遊高唐息而晝寢夢見一婦人曰妾巫山之女
也願薦枕席又神女賦曰楚襄王夜寢夢與神女遇其
狀甚麗寐而夢
之寤不自識
擺盪盤渦沸洙曰郭璞江賦盤渦谷轉歌斜激浪輸

風雷纏地脉

洙曰江賦疏風蒸雷海賦驚浪雷奔蘇曰張禹曰迅雷烈風纏地脉冰雪曜

天衢

洙曰易何天之衢亨

鹿角真走險

洙曰文十七年傳鄭子家曰小國之事大國也德則

其入也不德則其鹿也

狼頭如跋胡

洙曰詩狼跋其胡載輿其尾註跋躐

也進則躐其胡退則跋其尾

惡灘寧變色高卧負微軀

書史全傾撓裝囊半壓濡生涯臨臬兀

洙曰困于

死地

脫斯須

蘇曰陶秀行次豫章歎曰生涯如梟兀胡不悲憂身世韓既昨入吳榮死地脫於斯須之間今

日思之令

不有平川決

洙曰一作快

焉知衆壑趨乾坤霾漲

海

定功曰言水之渺茫闊遠矣

雨露洗春蕪

蘇曰史惠曰征塵蒙蒲蕪草荷雨露沾洗

鳥牽絲颺

趙曰羽如絲也

驪龍濯錦紆落霞沉綠綺

洙曰謝元暉晚望三

山詩餘霞散成綺澄江淨如練

殘月壞金樞

洙曰木玄虛海賦大明鏡鑿於金樞之穴註大明月

也金樞西方月沒之處穴窟也

泥筓苞初荻沙茸出小蒲

洙曰謝靈運詩新蒲含紫

茸初筓補注

希曰詩韓奕云其藪維何維荀及蒲爾雅苞綠筓初生者又爾雅荻兼釋云詩碩人

云荻莢揭揭陸機云亂或謂之荻其初生三月中其心挺出其下如箸以銳而細揚州人謂之馬尾其萌為蘆

郭云今江東人呼蘆笋為獲又許慎說文云蒲水草也
澤陂傳云蒲草柔滑公以大厯三年正月去獲故有正
月喧鶯末茲辰放鵞初之句此詩荻笋蒲茸等物皆中
春時事蓋放船在正月而作詩在二月也公以三月至
江陵無怪舟中所見如此

鴈兒爭水馬

夢符曰按本草水馬生水中善行如馬亦謂之海馬燕

子逐檣烏

趙曰船檣上刻為鳥形也燕如逐之

絕島容煙霧環洲納曉脯

洙曰謝靈運詩側徑既窈窕環洲亦玲瓏

前聞辨陶牧

洙曰顏延年七澤謁荆牧牧陶牧也地名

蘇曰王粲登樓賦北彌陶牧註陶卿名郊外曰牧

轉眄拂宜都

洙曰劉備改夷陵為宜都縣

郭南畿好

洙曰路入松滋縣

津亭北望孤

趙曰懷長安也

勞心依憩息

朗詠劃昭蘇

趙曰劃字開豁之意

意遣樂還笑衰迷賢與愚飄蕭

將素髮

洙曰秋興賦素髮颯以垂領

汨沒聽洪鑪

洙曰王祭傳鼓丘洪鑪以燎毛髮

壑曾忘返

洙曰謝靈運詩昔余游京華未嘗廢丘壑山林之士入而不復出

文章敢自

誣

蘇曰卜商文章鯁身之規矩豈敢自誣

此生遭聖代誰分哭窮途

洙曰

年詠阮步兵詩窮途能無慟趙曰阮籍每行至路窮處輒慟哭而返

卧疾淹為客蒙恩早

廁儒廷爭酬造化

洙曰王陵傳陳平謂陵曰面折廷爭臣不如君蘇曰張綱曰吾廷諍是非

非欲作自己名目端酬造化有補王室而益黎民吾死亦無憾何況生焉趙曰公言為拾遺時嘗論房琯有才

不宜廢是為廷諍以

樸直乞

去既切

江湖灩澦險相迫滄

浪深可逾浮名尋已已嬾計却區區

趙曰肅宗以公言房琯忤旨出為華

州司功而流落江湖迫漚湏逾滄
浪而無意於浮名得遂其閑願矣
喜近天皇寺先披古

畫圖

東夢符曰按諸宮故事張僧繇避候景之亂來奔湘
東承制拜右將軍僧繇工畫為郡之冠常於天皇

寺栢堂圖盧舍那佛像夜有奇光發自屋壁又於堂內
圖孔子十哲像識者謂右軍絕筆湘東鮑岳謂曰釋

門之內寫素王之容雖曰神異無方豈可夷夏同貫僧
繇笑曰吾誠偶然安知不利於後聞者莫知其旨及後

周滅二教梁為附庸荆楚祠宇莫不毀撤唯天皇寺有
宣尼像遂為國庠時人歎其先覺嘗於此寺畫龍不時

點睛道俗請之捨錢數萬落筆之後雷雨晦冥忽失龍
不知所在唐朝閣立本工畫無對立本嘗至荊州視僧

繇舊跡曰定虛得名耳明日又往觀之曰猶是近代好
手明日又往曰名下無虛坐卧觀之留宿其下十餘日

而不去應經帝子者

洙曰謝玄暉瀟湘帝子遊江淹王微
君詩北渚有帝子蕩瀟不可期定功

曰楚詞云帝子降兮北渚
帝子謂堯女娥皇娥英也

同泣舜蒼梧

汭曰禮舜葬于蒼梧之野謝玄

暉雲去

蒼梧野朝士兼戎服君王按湛盧

汭曰吳越春秋越王允常歐冶子作名劍

五枚秦客薛燭善相劍越王取湛盧示之曰善哉衛金
鐵之英吐銀錫之精寄氣託靈有游出之神服此劍可

以折衝伐敵人君有逆誅則去之他國越王乃以湛盧
獻吳吳公子光殺吳王湛盧去如楚也鮑明遠天子按

劍旄頭初倣擾

汭曰始擾亂也晉天文志昂為旄頭胡星也天子出旄頭罕畢以前驅也

鶉

首麗泥塗

汭曰晉志自東井十六度至柳八度為鶉首秦之分野屬雍州趙曰鶉首分野屬雍州麗

泥塗此言廣德元年長安陷也

甲卒身雖貴書生道固殊出塵皆野鶴

汭曰晉嵇紹在綱人中昂昂然若野鶴之在雞羣

歷塊匪轅駒

汭曰王褒云過都越國蹶如歷

塊灌夫傳上怒內史曰公生平數言觀其武安長短今日廷論局促效轅中駒應劭曰駒者駕於轅下局趣蹙小之貌張晏曰俛頭於車轅下隨母而已趙曰言遭喪亂甲卒有貴為節度為節度時書生亦有在中者其道殊故有鶴

駒之譬

伊呂終難降韓彭不易呼

洙曰伊尹呂望韓信彭越

五雲

高太甲六月曠搏扶

搏徒官切洙曰莊子鵬之徙於南溟也水擊三千里搏扶搖而上者

九萬里去以六月息趙曰言賢材之不得用也沈佺期移禁司刑詩散材仍葺厦弱羽遽搏扶

回首黎

元病爭權將帥誅山林託疲茶未免崎嶇

洙曰莊子齊物論茶

然疲役而不知其所歸可不哀耶師曰空翠者垂空翠蔓也舟過夏人肌膚故云空翠撲肌膚薛夢符云水馬生水中善行如馬亦謂之海馬按陳藏器本草云水馬生海中頭如馬形長五六寸今所在池塘亦有之差小

耳天皇寺解在前臬兀不安貌夔地險稍出江陵則平矣故曰不有平川決環洲回環而舟不進也天子有孝德則五色雲見以太甲比代宗曠廢也子美廢斥故曰曠搏扶爭權將帥誅言崔旰楊子琳之亂巴蜀之人困於征役故云回首黎元病

巫山縣汾州唐十八使君弟宴別兼諸公攜酒樂

相送率題小詩留于屋壁

大厯三年作

補注

鶴曰詩云卧病巴東久今年強作歸當是大厯三年正月作黃魯直嘗用韻戲題巫

山縣所謂巴蜀深留客吾懷但憶歸是也建陽書肆近刊分門集註杜詩既以寄族弟唐十八使君詩編在外族門而此詩又却編在送別門若以宴別故入送別門而外族一門又有奉送

二十四舅赴任青城奉贈侍御四舅別之郎澧奉酬十一舅惜別之作等詩皆送別也倫類不定如此者甚多不足責矣

卧病巴東久

洙曰郭璞江賦巴東之峽

今年強作歸故人猶遠謫

趙

故人指唐使君也

茲日倍多違接宴身兼杖聽歌淚滿衣諸公

不相棄擁別借光輝

春夜峽州田侍御長史津亭留宴

得筵字
大歷三年作

補注

鶴曰津亭在峽州即前詩所謂縣郭南畿好津亭北望孤蓋在轉眄拂宜都之後也

故詩又云始知雲雨峽忽盡下牢邊按唐志峽州本治下牢戍又有夷陵縣有下牢鎮當是大

歷三年

十月作

北斗三更席西江萬里船杖藜登水榭揮翰宿春天白

髮煩多酒明星惜此筵始知雲雨峽

洙曰高唐賦云巫山之陽高丘之阻

朝為行雲暮為行雨

忽盡下牢邊

洙曰下牢地名也

泊松滋江亭

大歷三年作

補注

鶴曰松滋縣名屬江陵府當是大歷三年三月作

紗帽隨鷗鳥扁舟繫此亭江湖深更白松竹遠還

洙曰一作

微青一柱全應近

洙曰劉孝綽詩經過一柱觀

高唐莫再經

蘇曰王允下峽

嘆曰高唐觀
瀕莫願再經

今宵南極

洙曰一云南斗

外甘作老人星

洙曰前漢天文

志狼星北地直大星曰南極老人老人見治安不見兵起常以秋分時候之南郊晉志老人一星在弧南

行次古城店泛江作不揆鄙拙奉呈江陵幕府諸

公大歷三年三月作

補注

鶴曰詩云白屋花開裏孤城麥秀邊當是大歷三年三月公至江陵時作古城店近

江陵也詩又云玉門高德業蓋以衛伯玉為陽城郡王也

老年常道路遲日復山川白屋花開裏

洙曰王莽傳廷士不及白屋師

古曰白屋謂庶人以白茅覆屋也沈約開花已匝樹孤城麥秀邊

洙曰宋世家箕子朝周遇故殷

壚城毀壞生禾黍箕子傷之欲哭則不可為其近婦人
乃作麥秀之詩以歌詠之其詩曰麥漸漸兮禾黍油油
兮彼狡童兮不與我好兮所謂狡童者紂也殷民聞之
皆為流涕向子期思舊賦歎黍離之閔周悲麥秀於殷

壚
濟江元自閣下水不勞牽風蝶勤依榮春鷗懶避船

王門高德業

洙曰鄒陽曰何王之門不可曳長裾乎陸韓卿王門所以貴自古多俊人

幕府

盛材賢

洙曰蔡邕薦邕讓於何進曰伏惟幕府初開博選清英

行色兼多病蒼茫

汎愛前

洙曰孔子汎愛衆

乘雨入行軍六弟宅

新深 大 歷三年作

補注

鶴曰行軍六弟即杜位前詩送栢二別駕赴江陵因示從弟行軍司馬位是也分門

集註杜詩以此詩入宗族門而寄杜位及杜宅守歲詩乃編在別門亦猶編寄唐十八使君詩在外族門而他詩不預也唐志元帥府節度使大都督府皆有行軍司馬掌弼戎政居則習蒐狩有役則申戰守之法公以大厯三年春抵荆南是時衛伯玉為節度使故位為行軍司馬此詩當是其時作故詩云春城帶雨長

曙角凌雲罷春城帶雨長水花分塹弱巢燕得泥忙令

弟雄軍佐凡材汙省郎

蘇曰潘岳無長才廣識設汙省郎見真儒碩人厚顏汙熱趙曰

公為工部員外郎而自謙之辭也

萍漂忍流涕衰颯近中堂

宴胡侍御書堂

大厯三年三月作

洙曰李尚書之芳鄭

補注

鶴曰胡侍御書堂必在荆南故詩云江湖

春欲暮當是大
歷三年三月作

江湖春欲暮牆宇日猶微
閨閨書籍滿輕輕花絮飛
翰

林名有素墨客興無違

洙曰揚雄作長楊賦籍翰林以爲主人子墨爲客卿以飆趙曰

指言李尚書鄭
祕監胡侍御

今夜文星動吾儕醉不歸

洙曰漢荀陳德星聚左傳

吾儕小人況吾儕乎
儕等也詩不醉无歸

書堂飲既夜復邀李尚書下馬月下賦絕句

補注

鶴曰同上
篇一時作

湖水林風相與清殘罇下馬復同傾

蘇曰阮平居汝上嵇述往別飲至夜

分散明日送下馬叩門曰殘罇可移乎遂醉酣揮鞭而去其真率如此

久拚野鶴如雙鬢

遮莫鄰雞下五更

洙曰趙典傳太僕鶴髮註白髮也五更見和賈舍人早朝大明宮註

上巳日徐司錄林園宴集

大曆三年作

補注

鶴曰上巳即修禊之日也晉宋以來皆以為節按唐志西都東都北都鳳翔成都江

陵興元興德府有司錄參軍事二人此詩當是大曆三年在江陵作

鬢毛垂領白

洙曰潘安仁秋興賦斑鬢彪以承弁素髮頰以垂領

花藥亞枝紅歌

倒衰年廢招尋令節同薄衣臨積水吹面受和風有喜

留攀桂

洙曰劉安招隱士云攀援桂枝聊淹留

無勞問轉蓬

洙曰曾植詩轉蓬離本根

索陽源詩乃知古時人所以悲轉蓬

奉送蘇州李二十五長史丈之任

大歷三年作

補注

鶴曰大歷三年公在江陵會長史之任故送以此詩云赤壁浮春暮謂李經赤壁以

往蘇州也

星坼台衡地

趙曰中台星坼張華見誅而今云星坼則李二十五丈父必是台輔貴人

曾為

人所憐

洙曰前漢五行志成帝時歌謠曰邪徑敗良田讒口亂善人桂樹花不實黃爵巢其顛故為人

所羨今為人憐

公侯終必復

洙曰閔元年傅畢萬筮仕於晉遇屯之比辛廖占之曰吉屯固

比入吉孰大焉六體不易合而能固安而能殺公侯之卦也公侯之子孫必復其始經術竟相傳

洙曰韋賢少子玄成復以明經歷位至丞相食德見從事洙曰易食舊德或從王事无成克

家何妙年

洙曰蒙九二子克家曹植表曰終軍以妙年使越楊仲武誅子以妙年之秀趙曰言李公

自妙年

一毛生鳳穴

夢符曰按南史謝超宗父鳳超宗好學有文辭盛德名譽新安王子

鸞母殷淑儀卒超宗作誄奏之帝嗟賞謂謝莊曰超宗殊有鳳毛

三尺獻龍泉

洙曰漢高祖提

三尺取天下師古注三尺劍也越絕書楚王召風胡子令之吳越見歐冶子干將使之鑄劍三枚一曰龍泉楚

王問何謂龍泉對曰龍泉狀如登高山臨深淵後漢肅宗賜諸尚書劍特以寶劍自為名以尚書韓稜淵深有

謀故得

赤壁浮春暮

洙曰孫權將周瑜敗曹操於烏林赤壁趙曰言赤壁以形容其所經

之補注希曰赤壁有三一在漢水之側竟陵之東一在地齊安郡之步下一在江夏郡西南二百里間按

魏武紀及周瑜傳操自江陵而下劉備周瑜由夏口往逆戰則操所敗之地乃在江夏之西南今屬漢陽縣亭

長史自江陵往姑蘇正經漢陽故云姑蘇落海邊洙曰越絕書曰閭廬起

乃成高見客閒頭最白惆悵此離筵

暮春江陵送馬大卿公恩命追赴闕下

補注鶴曰題云暮春江陵則是大曆三年三月作

自古求忠孝名家信有之洙曰後漢章彪議曰求忠臣必於孝子之門晉卞壺拒蘇

峻力疾戰死三子見父沒相隨赴賊同時見害徵士翟湯聞之歎曰臣死於君子死於父忠孝之道萃於一門

云
吾賢富才術此道未磷緇洙曰論語磨而不磷涅而不緇玉府標孤

映

洙曰北山移文高霞孤映

霜蹄去不疑

趙曰莊子馬蹄可以踐霜雪

激揚音韻

徹

趙曰文選神氣激揚又音聲樓以激揚也

籍甚衆多推

洙曰陸賈游漢庭名聲籍甚梁彥升

云客游梁朝則聲名極甚

潘陸應同調

洙曰謝靈運詩誰謂古今殊異代可同調趙曰潘則潘岳

陸則孫吳亦異時

洙曰孫武吳起

北辰徵事業南紀赴恩私洙曰

詩涵涵江漢南國之紀

卿月昇金掌

洙曰洪範卿士惟月上宮儀詩班籍始燕歸金掌露初晞

趙曰卿月指馬大卿也昇金掌譬近於顯要金掌者金銅仙人捧露盤之掌也

王春度玉墀

洙曰

春秋王次春

薰風行應律

洙曰詩南風之薰今禮八風從律

湛露即歌詩

趙曰

詩進露天子
燕諸侯之詩

天意高難問人情老易悲
樽前江漢濶後

會且深期

暮春陪李尚書李中丞過鄭監湖亭汎舟

得過字

補注

鶴曰鄭監湖在峽州殆是公往江陵時過峽州故遊之遂作此詩

海內文章伯

洙曰唐文章三變而楊王為之伯故子美引而用之

湖邊意緒多玉

樽移晚興

古歌辭曰上金殿酌玉樽趙曰曹子建仙人篇曰玉樽盈桂酒

桂楫帶酣歌

趙曰元帝烏栖曲曰沙棠作船桂為楫

春日繁魚鳥江天足芟荷
鄭莊賓

客地衰白遠來過

洙曰鄭當時字莊置驛馬長安諸郎請謝賓客夜以繼日

夏日楊長寧宅送崔侍御常正字入京

得深字

補注

鶴曰唐地理志長寧縣屬鎮北大都護府揚當是江陵人為其縣令詩云天地西江

遠公在江陵賦詩多用西江字齊集書省有正書秘書省有正字隋唐因之當是大厯三年作

醉酒揚雄宅

洙曰揚雄有宅一區雄家素貧嗜酒人稀至門時有好事者載酒看從游學

升

堂子賤琴

洙曰宓子賤治單父彈琴下堂而自治

不堪垂老鬢還對欲分

襟

蘇曰黃歇秋天索莫愁對分襟

天地西江遠星辰北斗深烏臺俯麟

閣

洙曰御史府中有栢樹常有野鳥棲宿其補注上麟閣正字所居陳子昂為麟臺正字

補注

希曰漢圖

籍藏之麒麟天祿二閣唐天授初改秘書省為麟閣

長夏白頭吟

洙曰古樂府白頭吟

和江陵宋大少府暮春雨後同諸公及舍弟宴書齋

大歷三年作

補注

鶴曰公至江陵已是春晚此詩云棟華晴雨好綵服暮春宜正其時也大歷三年作

渥洼汗血種

洙曰漢武元鼎四年秋馬生渥洼水中作天馬之歌曰太一貺天馬下霜朱汗沫流

緒註大宛馬汗血言汗從前肩髀出如血

天上麒麟兒

洙曰徐陵年數歲家人攜見寶誌上人誌

以手摩頂曰天上石麒麟也

才士得神秀

洙曰孫綽賦天台岳之神秀

書齋聞爾

為棟華晴雨好

洙曰棠棟之華宴兄弟之詩

綵服暮春宜

洙曰老萊子斑衣趙

曰論語暮春者春服既成

朋酒日歡會

洙曰曲七月朋酒斯享兩樽曰朋蘇曰荀爽朋壺助春歡

會老夫今始知蘇曰西門卓岐路荆棘人情炎涼老夫今日始知矣

夏夜李尚書筵送宇文石首赴縣聯句

石首縣名

補注鶴曰縣屬江陵在府東南二百里當是大歷三年公在江陵作

愛客尚書重之官宅相賢

子美洙曰晉魏舒少孤為外家寧氏所養寧氏起宅相者

云當出貴甥外祖母以戚氏甥小而慈意謂應之舒曰當為外氏成此宅相酒香傾坐側帆

影駐江邊

之芳

翟表郎官瑞鳬看令宰仙

或洙曰江淮之南謂雉青質五彩皆

備曰翟蕭望之為郎有雉數十常度草翔飛王喬為葉令有仙術以鵠為鳬東南來雨稀雲葉斷夜

久燭花偏

子美數語歌洙曰一作鼓

紗帽高文擲綵牋之芳興饒行

處樂離惜醉中眠

或

單父長多暇河陽實少年

子美洙曰單父宓子

賤所治河陽潘岳所治

客居逢自出為別幾淒然

之芳洙曰宇文乃外甥也故云自出

宇文晁尚書之甥崔或司業之孫尚書之子重泛

鄭監審前湖

補注

鶴曰前詩云愛客尚書重之官宅相賢又云客居逢自出今題云宇文晁尚書之甥

則詩在前篇之先作故詩云夜水春來更接連

郊扉俗遠長幽寂野水春來更接連錦席淹留還出浦

葛巾歌側未迴船

蘇曰羊佑酒中迴船葛巾歌側樽當霞綺輕初散洙曰

謝玄暉詩餘
霞散成綺

棹拂荷珠碎却圓

趙曰梁元帝詩
荷珠漾水銀

不但習

池歸酌

洙曰見玉
耽駟詩注

君看鄭谷去黃緣

洙曰鄭子真
耕於谷口

補注杜詩卷三十三

欽定四庫全書

補注杜詩卷三十四

宋 黃希 原本

黃鶴 補注

多病執熱奉懷李尚書之芳

大曆三年作

補注

鶴曰詩云大水淼茫炎海接蓋在江陵所見如此又首夏何須氣鬱蒸當是大曆三

年四月作

衰年正苦病侵凌首夏何須氣鬱蒸

洙曰古詩首夏猶清和歊蒸鬱凌冥

應璩書曰處涼臺而有鬱蒸之氣

大水淼茫炎海接

淼弭沼切

奇峯碑兀火

欽定四庫全書

補注杜詩

雲昇

洙曰碑郎凡切選詩夏雲多奇峯淮南子旱雲煙火趙曰選賦狀滔天以森茫郭璞江賦巨石碑硯

以前

思霑道喝黃梅雨

洙曰京房傳暑有喝者漢武帝紀喝死暑中熱死也趙曰暑病

曰喝思道喝之人以黃梅一雨霑之此武王扇喝之意可見公之仁心鄭曰喝於歇切

敢望宮恩

玉井冰

洙曰後漢書琅邪有冰井厚丈餘魚鮪魏晷明帝九龍殿前玉井綺欄趙曰唐志百官賜冰而

公嘗為左拾遺

不是尚書期不顧

洙曰前漢陳遵嗜酒每飲賓客滿堂輒閉

門取客車轄投井中雖有急終不得去嘗有部刺史奏事過遵值其方飲刺史大窮候遵需醉時突入見遵母叩頭自白當對尚書有期會狀母乃令從後間出去應休璉與滿公琰書曰當此之時仲孺不辭同產之服孟公不顧尚

書之期

山陰夜雪興難乘

洙曰王徽之嘗居山陰夜雪初霽月色清朗忽憶戴

逶逶時在剡便夜乘小船詣之造門不前
而返曰乘興而行興盡而返何必見安道

水宿遣興奉呈羣公

大厯三年作

補注

鶴曰詩云澤國雖勤雨炎天竟淺泥小江
還積浪弱纜且長堤歸路非闕北行舟却

向西又云異縣驚虛往同人惜解攜其曰小江
異縣當是在江陵暫至外邑邑在江陵之西故

云行舟却向西此

詩大厯三年夏作

魯鈍仍多病

洙曰語參也魯蘇曰鄭
宜魯鈍多病近稍倦書

逢迎遠復迷耳聾

須畫字

蘇曰王筍不任佯狂詐聾每說話
即畫字後隱嵩山隋文累詔不起

髮短不勝篋

澤國雖勤雨

修可曰穀梁傳正月不雨言
不雨者勤雨也注思雨之勤

炎天竟淺泥

欽定四庫全書

卷三十四

補注

鶴曰周禮澤國用龍節勤雨如修可引穀梁之說則是其時不雨何以以下云炎天竟淺泥又云小江

還積浪當是言得雨勤數然以炎天而泥故淺也

小江還積浪弱纜且長堤歸

路非關北

俯曰子美北人未得歸鄉故云歸路非關北

行舟却向西暮年漂

泊恨今夕亂離啼童稚頻書札

洙曰古詩烈士暮年又遺我一書札

盤飧

詎糝藜

洙曰孔子陳蔡間七日不火食藜藿不糝

我行何到此物理直難齊

洙曰莊子齊物

高枕飜星月嚴城疊鼓鞞

洙曰張景陽此郭非吾城入聞鞞鼓聲定

功曰禮記鼓鞞之聲謹

風號聞虎豹

洙曰蕪城賦風號雨嘯又苦寒詩虎豹夾路啼水宿

伴鳬鷺

洙曰蜀都賦晨鳬且至候雁街蘆雲飛水宿唼吭清渠

異縣驚虛往

洙曰古樂

府它鄉

復異縣

同人惜解攜

洙曰易出門同人

蹉跎長汎鷁

趙曰鷁大鳥船首畫

之以驚水神俯曰汎鷁行舟也

展轉屢鳴雞嶷嶷瑚璉器

洙曰子貢瑚璉器夢符曰

謝琨問羊孚曰何以器舉瑚璉羊曰故當以為接神之器

陰陰桃李蹊

洙曰李廣桃李不言下自

成蹊餘波期救涸

洙曰信二十三年傳其波及晉國者君之餘也莊外篇車轍中有鮒曰吾得斗

升水可活矣

費日苦輕齋杖策門闌遽肩輿羽翮低自傷甘

賤役誰慙強幽棲

蘇曰柏簡失意居九華山歎曰今日晦迹朝中故人畧無慙強幽棲之心

巨海能無釣

洙曰任公子投竿東海

浮雲亦有梯勲庸思樹立語

默可端倪贈粟困應指

洙曰魯肅家富於財常散以賑窮乏結豪士時周瑜為居巢長

欽定四庫全書

卷三十四

聞之往求資糧肅有米二囤各三千斛直指一囤與瑜
瑜奇之乃結僑札之交勢曰自巍巍瑚璉器以下叙美
羣公能餽其貧登橋柱必題珠曰成都記云昇仙橋司
故有贈粟之句馬相如初西去題其柱曰
不乘高車駟馬不過此橋後果以傳車至
其處橋在望鄉臺東南一里管華陽縣
丹心老未折
夢符曰古樂府半溪度曲本厠偏伍卒一戰殄凶渠制
賜文犀節驛報紫泥書入營陳御蓋還車乘紫車皇恩
空已重丹心悵不紓渡時訪武陵溪珠曰別賦心折骨
瀘且不畏凌溪嗟有餘驚武陵溪秦人避
處亂之

奉賀陽城郡王太夫人恩命加鄧國太夫人

補注

鶴曰陽城郡王乃江陵節度衛伯玉舊次
及梁摧道皆以為大厯三年作案新舊史

大厯初伯玉丁母憂朝廷以王昝代其任諷將士云云遂起復再任今詩乃賀其母受封則非三年作甚明舊史又云廣德元年乘輿幸峽伯玉有幹畧乃拜江陵尹荆南節度等使尋封陽城郡王此語蓋在大厯初丁母憂之前故此詩云郡侯封土舊當是伯玉封王時母同受封而舊史帝紀又云大厯二年六月壬寅荆南節度使衛伯玉封陽城郡王與傳自異然丁母憂在大厯初為是此詩當在廣德二年後大厯元年所作若如紀言則大厯二年衛之母已死又元年柏中丞遣柏別駕將命江陵起居太夫人時已有太夫人之稱矣

衛幕衛恩重

夢符曰按前漢書晉灼注曰衛青征匈奴絕大幕大克獲帝就拜大將軍於幕中故

曰幕府趙曰一本題下注云陽城王衛伯玉也以其姓衛則用之尤工

潘輿送喜頻

潘安

閒居賦太夫人乃御板輿升輕軒

濟時瞻上將

趙曰申言郡王節度江陵為上將

錫號

戴慈親富貴當如此尊榮邁等倫郡依封土舊國與大

名新

趙曰言郡封雖仍是陽城郡而夫人之國加為鄧國是為新矣

紫誥鸞回紙

趙曰紫誥

紫錦之誥也鸞回紙謂紙上之字有回鸞之辨也

清朝燕賀人

洙曰大屢成而燕雀相賀

遠

傳冬笋味

洙曰孟宗後母好笋令宗冬月求之宗入竹林痛哭笋為之生

更覺綵衣春

奕葉班姑史

洙曰班姑曹世叔妻班彪之女名昭字惠姬博學高才世叔早卒有節行法度兄固

著漢書其八表及天文志未及竟而卒和帝詔昭就東觀藏書閣踵而成之

芬芳孟母鄰

洙曰

潘安仁閒居賦此里仁以為美孟母所以三徙

義方兼有訓

洙曰左傳愛子教之以義方

詞

翰兩如神

蘇曰王獻之詞語秀麗筆畫雄勁兩如神江左為獨步

委曲承顏體寒

飛報主身可憐忠與孝雙美畫麒麟

洙曰麒麟閭名也上畫忠臣像

江陵望幸

洙曰望幸車駕臨幸也時大駕在蜀廣德元年作

補注

鶴曰江陵以上元元年九月建都故詩云雄都元壯麗王內翰云望幸車駕臨幸時大

駕在蜀然明皇幸蜀在至德元載是時未以江陵為都當時代宗幸陝時此詩合是廣德元年是年代宗幸陝以衛伯玉有幹畧乃拜江陵尹荆南節度等使意是時代宗有意幸江陵故有此作梁攉道編在大曆三年殊無義無乃循舊次耳故此詩與前篇俱不應編在大曆三年詩內

雄都元壯麗

洙曰漢高紀上見宮室壯麗怒蕭何曰非壯麗不足重威

望幸歟威神

洙曰魯靈光殿賦景福兮帝室之威神甘泉賦配帝宮之懸圃兮象泰壹之威神趙曰顏延年車駕幸京口云

望幸傾五州也歟許勿反注云有所吹起也

地利西通蜀天文北照秦

定功曰謂

長安在荆渚之北

風煙含越鳥

洙曰謝元暉詩風煙有鳥路江漢恨無梁古詩越鳥巢南枝

舟楫控吳人未枉周王駕

洙曰顏延年車駕幸京口詩虞風載帝狩夏誦頌王游春

方動宸駕望幸傾五州又周御窮轍迹夏載歷山川周王駕謂穆王滿

終期漢武巡

洙曰漢武

行幸雍幸汾陰滎陽還至洛陽瞻望河洛巡狩豫州

甲兵分聖旨

蘇曰羊祜得聖旨未分甲兵西

北防秋

居守付宗臣

洙曰蕭何傳漢之宗臣左傳君行則居守蘇曰趙勝大事付宗臣議論

補注

鶴曰宗臣指郭子儀按史雍王造為關內兵馬元帥郭子儀副之復京師以子儀為京留守

早

發雲臺仗恩波起涸鱗

洙曰哀江南賦由有雲臺之仗涸鱗見餘波期救涸注

江邊星月二首

大歷三年作

補注

鶴曰詩云江月辭風纜江星別露船當是大歷三年秋江陵舟中作

驟雨清秋夜金波耿玉繩

洙曰謝元暉詩清河晨耿耿寒渚夜蒼蒼金波麗鳩鵲玉

繩低建章趙曰金波言月玉繩言星

天河元自白江浦向來澄映物連珠

斷星如連珠

緣空一鏡升

洙曰古詩破鏡飛上天

餘光憶更漏况

乃露華凝

洙曰謝莊詩露華識猿音

江月辭風纜江星別霧船雞鳴還曙色鷺浴自晴川歷

歷竟誰種

洙曰謝惠連詩亭亭映江月古詩天上何所有歷歷種白榆

悠悠何處圖

洙曰沈休文詠月清光悠悠謝希質月賦升清質之悠悠降澄暉之藹藹

客愁殊未已他

夕始相鮮

舟月對驛近寺

大歷三年作

補注

鶴曰題云舟月又詩云月朗自明船朱樓白水邊當是大歷三年舟中作

更深不假燭月朗自明船金剝青楓外

洙曰西京雜記以黃金為剝

朱樓白水邊

趙曰馮衍顯志賦伏朱樓而四望

城烏啼眇眇

洙曰左傳叔向曰城

上有烏齊
師其道

補注

希曰江陵府松滋縣有白水鎮古樂府有烏夜啼漢文紀以眇眇之身師古曰

眇眇猶言細末也

野鷺宿娟娟

蘇曰張充月賦照娟娟之沙鷺

皓首江湖客釣

簾獨未眠

舟中

大厯三年作

補注

鶴曰詩云風餐江柳下雨卧驛樓邊即前篇所謂驛近寺之驛也當是大厯三年在

江陵作

風餐江柳下雨卧驛樓邊

蘇曰阻風餐柳下雨坐蓬窻句法絕妙不知誰詩也恨

不見全篇與魯直讀至此遂記而疏之疑子美亦法此二句而作也其詩二句在晉文類中

結纜排

漁網連檣並米船

洙曰檣船上帆竿

今朝雲細薄昨夜月清圓

飄泊南庭老祇應學水仙

趙曰公自謂也

遣悶

大歷三年作

補注

鶴曰詩云地濶平沙岸舟虛小洞房當是大歷三年江陵作

地濶平沙岸舟虛小洞房

洙曰謝元暉洞房殊未曉

使塵來驛道城

日避烏檣

洙曰一作烏檣趙曰泊船之處近城日為城所障不照及檣故曰避烏檣

暑雨留

蒸濕江風借夕涼

蘇曰段瑄泛舟夜聞江風清冷瑄欣然曰馮夷借我一夕之涼

行雲

星隱見

賢遍切

疊浪月光芒螢鑒綠帷徹

趙曰螢光可以照物故曰螢鑒

蛛絲罥鬢長

罥音猷泰伯曰
罥鬢猶掠鬢也

哀箏猶凭几

凭皮孕切

鳴笛竟

霓裳倚著如秦贅

之芮切洙曰賈誼傳秦人家富子壯則出分家貧子壯則出贅師古曰言

其不出妻家亦猶人身之有贅一說贅質也家貧無有聘則以身為質也君平曰子美寓他鄉如贅婿然過

逢類楚狂

洙曰楚狂接輿

氣衝看劍匣

洙曰任彥升劍氣衝雲又張華見劍氣衝牛斗

穎脫撫錐囊

洙曰平原君傳曰夫賢士之處世也譬如錐之處囊中其末立見毛遂曰使遂早得

處囊中乃脫穎而出非特末見而已

妖孽關東臭兵戈隴右瘡

蘇曰班仲升云隴右

兵戈瘡痍未艾

時清疑武略世亂跼文場餘力浮于海

洙曰語道不行

乘桴浮于海

端憂問彼蒼

洙曰見賦端憂多暇注詩彼蒼者天

百年從萬事故

國耿難忘

蘇曰辛受老年百事俱廢無心繫戀唯故國舊友耿耿難忘

江陵節度陽城郡王新樓成王請嚴侍御判官賦

七字句同作

大歷三年作

補注

鶴曰公以大歷三年暮春至江陵而今詩云樓上炎天冰雪生當是其年夏作也史

云伯玉大歷初丁母憂則是時未再暮也雖曰起復亦不當作樓命客賦詩當時士論醜之宜哉

樓上炎天冰雪生高飛燕雀賀新成

洙曰淮南子大廈成而燕雀相賀

碧窗宿霧濛濛濕朱拱浮雲細細輕

修可曰晉羊球登西樓賦云畫棟浮

細細之輕雲朱拱濕濛濛之飛杖鉞褰帷瞻具美

洙曰見杖

鉞築疆開意旨注賈琮為冀州刺史舊典傳車駕駉垂赤帷裳迎於州界及琮之部升車言曰刺史當遠視廣聽糾察善惡何有反設垂帷裳以自掩塞

投壺散秩有

餘清

洙曰祭遵投壺雅歌

自公多暇延參佐江漢風流萬古情

洙曰

庾亮鎮武昌佐吏乘月登樓不覺亮至將避之亮曰少住吾於此興不淺陶侃曰亮非獨風流兼有為政之術

又作此奉衛王

補注

鵬曰詩云三伏炎蒸定有無則是與前篇不相遠作

西北樓成雄楚都遠開山岳散江湖二儀清濁還高下

珠曰陽清為三伏炎蒸定有無補注鶴曰王坦之傳二儀以至公立德列

天陰濁為地

于清輕者上為天濁重者下為地又河圖括地象兩儀

未分其氣混沌池清濁既分伏者為天偃者為地漢郊祀

志作伏祠孟康曰六月伏日也周時無至此乃有之師

古曰伏者謂陰氣將起迫於殘陽而未得升故為藏伏

因名伏日也立秋之後以金代火推轂幾年唯鎮靜珠曰

金畏於火故至庚日必伏庚金也推吐回切馮唐傳推轂遣將趙

曰推轂以言衛王奉命為將

曳裾終日盛文儒

珠曰鄒陽

何王之門不白頭授簡焉能賦珠曰雪賦受簡於司馬大夫漢書登高能賦可

夫為大愧似相如為大夫

舟出江陵南浦奉寄鄭少尹審

大歷三年作

補注

鶴曰鳴蜚隨汎梗別燕赴秋菰當是大厯三年秋作是時公移居公安公安在江陵

之南故出南浦也時

鄭審為江陵少尹

更欲投何處飄然去此都

洙曰賈誼何必懷此都

形骸元土木

洙曰

嵇紹土木形骸龍章鳳姿

舟楫復江湖社稷纏妖氣

洙曰左太冲姦回鼎兵纏紫微

干戈送老儒百年同棄物萬國盡窮途

洙曰見今日暮途窮注

雨

洗平沙淨天銜濶岸紆鳴蜚隨汎梗

趙曰蜚音將蟬也蜚得梗而託之故

隨汎梗而鳴蘇曰蟬屬郭林宗如寒蜚隨汎梗固亦難安

補注

希曰爾雅釋蜺云蜺一名寒蜩又名寒蜚

似蟬而小青赤色者也

別燕起秋菰

洙曰宋玉燕翩翩其辭歸蘇曰李充云別燕背人去雙起

秋蒲菰趙曰

棲託難高卧

洙曰孔明高卧南陽趙曰言其方有棲託難於高枕以自

安也 飢寒迫向隅

洙曰前漢刑法志滿堂飲酒一夫向隅而泣

寂寥相煦沫

洙曰

莊子與其相煦以濕相濡以沫孰若相忘於江湖

浩蕩報恩珠

洙曰漢武帝昆明之池去魚後

銜明珠報之又隨侯見傷蛇以藥封之蛇銜明珠

溟漲鯨波動

洙曰謝靈運衡溟漲無端倪

陽雁影徂

洙曰蜀都賦云候雁銜蘆木落南翔冰泮北徂又應德璉將就衡陽棲

南征問

懸榻

洙曰陳蕃為樂安太守郡人周瑒字而不名特為置一榻去則懸之

東逝想乘桴

洙曰

語乘桴浮于海

濫竊商歌聽

洙曰北山移文竊吹草堂濫巾北岳七啟云此竊子商歌之狀

時

憂下泣誅

洙曰楚人卞和以玉璞三獻不遇楚王遂再刖其足

經過憶鄭驛

洙曰鄭莊

驛置
斟酌旅情孤

江南逢李龜年

大曆三年作

補注

鶴曰梁權道編在大曆三年作荆南詩內按公以是年正月出峽暮春至江陵今詩

云落花時節又逢君正其時也

岐王宅裏尋常見崔九堂前幾度聞

洙曰公自注云即殿中監崔滌中書

令湜補注

鶴曰按舊史岐王睿宗子始名隆範後避玄宗諱去二名曰範與薛王誅太平公主並封

滿五千戶開元十四年薨贈太子謚惠文王好學工書無貴賤為盡禮接待讓皇帝贈云申岐王居安興坊天寶三載以惠宣太子男略陽公珍為嗣岐王公當開元十四年雖已十五歲有登門之理然是時未有梨園弟

子當是指嗣岐王而云則公見李龜年必在天寶十載已後

正是江南好風景落花

時節又逢君

洙曰明皇雜錄云天寶中上命宮中女子數百人為梨園弟子皆居宜春北院上素

曉音律時有馬仙期李龜年賀懷智皆洞知律度安祿山自范陽入覲亦獻白玉簫管數百事皆陳於梨園自是音響殆不類人間有龜年特承顧遇於東都大起第宅僭侈之制逾於公侯流廢江南每遇良辰勝景常為人歌數闕座上聞之莫不掩泣罷酒

官亭夕坐戲簡顏十少府

大曆三年作

補注

鶴曰詩云南國調寒杵西江浸日車又題云官亭夕坐及簡顏十少府顏公安慰也

當是大曆三年公安作公嘗賦醉歌行有神仙中人不易得顏氏之子才孤標正其人也官亭

當在

公安

南國調寒杵

趙曰庾信夜聽搗衣詩調聲不用吟

西江浸日車

趙曰淮南子日乘車

駕以六龍義和為馭

客愁連蟋蟀

洙曰詩蟋蟀在堂

亭古帶蒹葭

洙曰詩蒹葭蒼

蒼不返青絲鞵

趙曰鞵馬勒也青絲為之

虛燒夜燭花老翁須地主

細細酌流霞

修可曰抱朴子載項曼卿言到天上升人以流霞杯飲之

秋日荆南述懷三十韻

大曆三年作

補注

鶴曰此詩當是大曆三年秋未移公安前作

昔承推獎分愧匪挺生材遲暮宮臣忝

洙曰陸機詩艱矯迹廁宮臣

危哀職陪

洙曰詩哀職有闕趙曰公自言揚鑣隨日馭

鄭曰鑣悲驕切馬銜也

折檻出雲臺

洙曰朱雲折檻顯宗畫二十八將於雲臺見致君丹檻折

罪戾寬猶活干戈塞未開

趙曰上欲誅甫賴張鎬救之而免言一出之後干戈日相

尋星霜玄鳥變

洙曰古詩玉衡指孟冬衆星何歷歷白露露野草時節忽復易秋蟬鳴樹間玄

鳥逝安適趙曰玄鳥燕也星霜補注希曰詩天命玄鳥之中見玄鳥變則不一其年矣

孔氏曰釋鳥云燕燕也色玄身世白駒催洙曰莊子

故又名玄鳥月令仲春玄鳥至知北遊人

生天地之間若白駒之過卻忽然而已釋文白駒或云日也卻本作隙張良願棄人間事學道輕舉呂后強食

過隙何自苦如此

之曰人生如白駒之伏枕因超忽扁舟任往來九鑽巴

噤火三蟄楚祠雷

洙曰語鑽燧改火後漢樂巴噤酒救蜀火謂之巴噤火則樂巴所噤之火

以形容其在成都及東川及夔州凡在蜀地者九遇清明鮑曰山谷簡王觀復曰子美入蜀下峽年月詩中可見其曰九鑽巴噤火三蟄楚祠雷則往來兩川九年在夔州三年可知矣趙曰公以八月在夔在江陵是為雷之三蟄矣雷以三月而奮而以八月而蟄也謂補注希之楚祠雷則楚人所祠之雷蓋楚人好祠祭也

補注希曰

公以乾元二年冬入蜀大歷三年下峽恰是九春其中在夔三年故曰三蟄楚祠雷楚祠謂楚襄王所遊之地寰宇記謂夔有古楚宮也趙謂楚人所祠之雷則非止謂在夔見三冬蓋永泰元年秋至雲安而大歷三年春下峽所以

望帝傳應實

洙曰見杜鵑詩注

昭王問不迴

洙曰僖四年傳

齊侯遂伐楚楚子使與師言曰君處北海寡人處南海唯是風馬牛不相及不虞君之涉吾地也何故管仲對

曰爾貢苞茅不入王祭不供無以縮酒寡人是徵昭王南征而不復寡人是問對曰貢之不入寡君之罪也敢

不共給昭王之不復君其問諸水濱蛟螭深作橫切孟豺虎亂雄猜趙曰

句託興時有跋扈之強素業行已矣浮名安在哉蘇曰臣賦盜之巨猾故也李膺

前輩浮名安在爭如一樽醇醪斷送歲月何苦區區計較名利耶琴烏曲怨憤庭鶴舞

摧顏洙曰琴烏曲烏夜啼也吳人舞白鶴於市秋水漫湘竹洙曰湘妃揮淚

陰風過嶺梅洙曰大庾嶺多梅人號梅嶺苦搖求食尾洙曰司馬子長報任少卿

書曰猛虎在深山百獸震恐及在檻穽之中搖尾而求食積威約之漸也常曝報恩腮洙曰

蕩報恩珠注三秦記江海集龍門魚登者化龍不登者點額曝腮結舌防讒柄探腸有

禍胎

洙曰前漢博士結舌而

蒼茫步兵哭

洙曰阮籍為步兵哭途窮

展轉仲宣哀

趙曰仲宣王粲也以避難流離作士哀詩

飢藉家家米

鄭曰藉秦昔切

愁徵處處孟休為貧士嘆任受衆人咍得喪初難識榮

枯劃易該差池分組冕合沓起蒿萊不必伊周地皆登

一作

屈宋才

洙曰伊尹周公屈原宋玉

漢庭和異域

洙曰前漢匈奴傳和親之論發

於劉敬是時天下初定遭平城之難故從其言約結和親賂遺單于冀以求安邊境逮至孝文與通關市妻以漢女增厚其賂歲以千金而匈奴數背約東屢被其害

晉史坼中台

洙曰晉中台坼而張華誅

霸業尋常體宗臣忌諱災羣公紛戮力聖慮宵徘徊

欽定四庫全書

卷三十四

宵伊鳥切

數見銘鍾鼎

洙曰季武子作林鍾之銘銘魯公衛孔悝鼎銘

真宜法

斗魁

洙曰隋志北斗一至四為魁五至七為杓

願聞鋒鏑鑄

洙曰賈誼過秦論秦收天下之

兵聚之咸陽銷鋒鏑鑄以為

莫使棟梁摧

洙曰衛玠卒謝琨哭之曰

梁棟折不覺哀趙曰晉陸玩拜司空謂賓客曰以我為三公是天下無人矣索酒著柱間祝曰當今乏才以爾

為柱石之臣

磐石圭多剪

洙曰漢封子弟磐石之宗成王封康叔剪桐葉為主

門轂少推

洙曰馮唐傳曰臣聞上古王者遣將也跪而推轂修可曰唐李衛公對唐太宗曰古者命

將受鉞鑿

垂旒資穆穆

洙曰詩天子穆穆

祝網但恢恢

洙曰成湯祝網

網恢恢

赤雀翻然至黃龍不假媒

洙曰春秋孔魚圖曰鳥化為書孔子奉以

告天赤雀集書上化為黃玉後漢黃龍見于譙趙曰此
言祥瑞也遁甲曰赤雀不見則國無賢注赤雀主銜書
陽精曰孫應圖曰黃龍者四龍之長也王賢非夢傳野
者不澆池而漁則應和氣而遊于池沼

洙曰高宗夢得
說于傳巖之野

隱類鑿類

洙曰揚雄傳或鑿坏以遁
莊子魯君聞類闔賢欲以

為相使者往聘因鑿
後垣而亡坏辟也

自古江湖客冥心若死灰

趙曰莊
子心可

使若死灰師曰唐六典注云補闕拾遺武后垂拱中置
子美肅宗時為左拾遺故云陪衮職琴錄曰琴曲有烏
夜啼吳兢古樂府解題云烏夜啼宋臨川王義慶造也
鋒鏑鑄棟梁摧並見前注史記成王與叔虞戲削桐葉
為珪曰以此封若史佚曰天子無戲言言則史書之禮
成之樂歌之於是遂封叔虞于唐李衛公對唐太宗曰
古者出師命將齋三日授之以鉞推其轂曰進退惟時
軍中但聞將軍之令不聞君命揚鑣隨日馭謂侍肅宗

於靈武也折檻出雲臺謂諫房琯事見逐華州司功也
火九鑽雷三蟄則知子美之客夔巴凡九年矣望帝乃
蜀帝其魂化為杜鵑父老相傳其言不虛子美居楚地
託言昭王不迴之事蛟螭豺虎以喻荆楚盜賊之多自
亂離以來元勳舊德皆擯弃不用而武夫年少多驟遷
故子美有得喪難識榮枯易該之語而下文又言差池
分組晁合沓起蒿萊又云賢非夢傳野皆託諷濫進者
多也漢庭和異域言回紇送兵來助唐求尚主也晉史
拆中台言房琯得罪也霸易尋常體言雜用霸道也宗
臣忌諱災言宗臣不敢直言也磐石圭多剪言廣封同
姓也凶門較少推言命將多非其人也子美意欲朝廷
禮敬大臣寬大憲網自然朱鳳來黃龍至無使賢人隱
遁則天下不約而自平
也隱類鑿類坏公自喻

秋日荆南送石首薛明府辭滿告別奉薛尚書頌

德叙懷斐然之作三十韻

大厯三年作

補注

鶴曰按新唐書吐蕃傳永泰大厯間再遣使者來聘於是戶部尚書薛景仙往報此

詩云聞道和親入又云跋涉體何如則薛尚書乃景仙也石首乃江陵屬邑公以大厯三年至

荆南當是其年秋作

南征為客久西候別君初

趙曰上句言在江陵也梁張纘南征賦西候屬西之時候

乃秋日也

歲滿歸鳬鳥

趙曰鳬鳥以薛明府之為縣今即王喬之乘鳬

秋來把雁書

趙曰得尚書兄之書也雁書使蘇武事

荆門留美化

洙曰唐蕭銑屯軍荆門號荆門軍在夷陵

鄭曰荆門山名十道志荊州江陵縣郢城縣東南岸有荆門山

姜被就離居

洙曰續漢書姜肱兄

第三人皆以孝行著名肱年長與二弟共被卧親友如此

聞道和親入

洙曰見肯慮白登圍注

垂名報國餘連枝不日並八座幾時除

洙曰見起居八座太夫人注景

帝紀注凡言除者除故官就新官趙曰言尚書與薛石首不日相並如木之連理枝往者胡星亭

洙曰胡星旄頭也亭星光芒短其光四出字亭然趙曰指言祿山也恭惟漢網疎

洙曰漢刑法志

禁網疎濶風塵相湏洞

洙胡孔切洙曰洞簫賦風塵淮南子絕趙曰凡兵之地謂之風塵淮南子

曰未有天地之時鴻濛洞莫知其門

天地一丘墟

洙曰王粲詩峻函復丘墟趙曰言人民寡

城郭殿瓦鴛鴦坼

洙曰鄴都銅雀臺皆鴛鴦瓦庾信賦昔為一雙瓦飛入魏王宮趙曰魏文

帝問晉宣王曰吾夢殿屋兩瓦墜地化為鴛鴦何也宣對曰後宮當有暴死者帝曰吾詐卿耳宣曰夫夢者意

耳苟以誠言便占吉凶言
未卒黃門令奏宮人相殺

宮簾翡翠虛

洙曰西京雜記有翡翠簾**鈎**

陳摧傲道

洙曰西都賦周以鈎陳之位衛以嚴更之署又周廬千列傲道綺錯

槍纍失儲

胥

洙曰長楊賦木擁槍纍以為儲胥注槍纍作木槍相纍為柵也儲胥館名纍力軌切趙曰上四句以言京

師之陷而宮殿之毀也

文物陪巡狩

趙曰指言肅宗幸鳳翔文物陪則衣冠集於此

親賢

病拮据

趙曰詩予手拮据注云拮据撻揭也

公時呵猋猋

洙曰猋猋摩牙而食人定功曰

爾雅猋猋類

首唱却鯨魚

趙曰鯨魚大魚左傳曰取其鯨鯢以為京觀呵猋猋却鯨

魚以譬却退巨賊之義

勢愜宗蕭相

洙曰蕭相謂蕭何也國之宗臣

材非一范睢

趙曰公自注蓋秦拜范睢為客卿卒聽其謀使五大夫綰伐魏拔懷其相秦也東伐韓少曲高平拔之又以其

謀縱反間于趙趙以馬服子代廉頗大屍填太行道行

破趙于長平皆范雎之謀故以比諸將

胡

剛血走浚儀渠

洙曰大行山在河北浚儀渠汴河也

湓口師仍會

湓萬矩切水名

函關憤已攄紫微臨大角

洙曰隋天文志紫微大帝之座也又大角一星在攝提天

王座也又名天棟趙曰言肅宗還長安也

皇極

洙曰皇極乘輿與子輦屬

正乘輿

趙曰洪範曰建

用皇極史曰乘輿反正皇極

賞從頻峨冕

從才用切洙曰僖二十四年傳晉侯賞從亡者

殊

恩再直廬

洙曰公自注公舊執金吾新受羽林前後二將軍趙曰直廬則直宿殿廬也

豈惟

高衛霍曾是接應徐

洙曰衛青霍去病應德璉徐公幹

降集翻翔鳳

洙曰

賈誼賦鳳凰翔于千仞兮覽德輝而下之趙曰言兄弟如鳳之翔翔也

追攀絕衆狙

洙曰莊子

朝三暮四
衆狙皆怒

侍臣雙宋玉

洙曰宋玉楚大夫

戰策兩穰苴

洙曰穰苴有司

馬兵法趙曰以文章言之則文章如宋玉以戰策言之則武略如穰苴乃所以美薛之兄弟也

鑒澈勞

懸鏡

趙曰公言蒙尚書之鑒照澄澈如鏡之懸也

荒蕪已荷鋤

洙曰見眷言終荷鋤注

嚮來披述作

洙曰石首處見公新文一卷

重此憶吹噓

洙曰見只待吹噓送上天

注

白髮甘凋喪青雲亦卷舒經綸功不朽

趙曰又言薛尚書也 跋

涉體何如

洙曰公自注公須奉使和吐蕃見上

應訝耽湖橘

洙曰潭洲有橘洲

常

餐占野蔬十年嬰藥餌

洙曰見藥餌扶吾隨所之注

萬里狎樵漁揚

子淹投閣

洙曰見子雲識字終投閣注

鄒生惜曳裾

洙曰鄒陽書何王之門不可曳

長裾趙曰但驚飛熠燿熠燿詩曰熠燿宵行

不記改蟾蜍景陽下

車如昨日蟾煙雨封巫峽江淮略孟諸洙曰孟諸九澤名云補注

希曰禹貢孟諸在豫州之境注云張魚反又音諸左傳爾雅皆作孟諸宋數澤也漢書八數為圉師古曰謂宋

有孟諸湯池雖險固洙曰金城湯池蘇曰侯本論曰遼金城湯池雖然險固亦不可恃

海尚闡努力輸肝膽休煩獨起予洙曰語起予者商也趙曰時幽燕猶

有不順命者前漢溝洫志填淤反壤之害師古曰填淤謂壅泥也末句所以激之師曰師古曰以木擁槍及壘

繩連結以為儲胥有儲蓄以待所須也薛尚書嘗奉使回紇乞兵以助討故云聞道和親入垂名報國餘文物

陪巡狩言尚書昔隨玄宗幸蜀親賢病拮据言皇子皆流離辛苦也楔偷喻盜賊公時唱大義以討賊豈特一

范睢相秦但復魏齊之讎乎湓口師仍會言公督諸節
度兵會於湓口收復京師故曰函關憤已據皇極正乘
輿言天子還京也豈惟高衛霍曾是接應徐德遵公幹
丈士也天子中興非特賞功又禮文儒而公文倍宋玉
武過穰苴侍帝廟堂子美但荷鋤躬耕而已故曰荒蕪
已荷鋤遼海尚填淤言祿山未平故子美末章勉薛尚
書為國立功不獨
為詩以起予也

哭李尚書之芳

大歷三年作

補注

鶴曰按宗室世系表之芳乃蔣王憚之孫
又舊史云安祿山奏為范陽司馬祿山反

自拔歸京師廣德二年兼御史大夫使吐蕃被
留二歲乃得歸拜禮部尚書改太子賓客於後
篇云還瞻魏太子賓客減應劉舊史云廣德二
年使吐蕃而通鑑云廣德元年四月遣兼御史

大夫李之芳等使于吐蕃為虜所留二年乃得
歸此詩云江湖涕泣然後篇云江雨濕銘旌則
李之旅櫬不曾歸長安但客葬於荊州故詩又
云復土昭丘遠詩作于大歷三年江陵府所以
復有湖風井
送秋之句

漳濱與蒿里逝水竟同年

洙曰李延年分送喪歌為二
等薤露送王公大人蒿里送

士大夫庶人使挽
柩著歌之為挽歌

補注

希曰武五子傳蒿里召兮郭
門閱師古曰蒿里死人里

欲

挂留徐劍

洙曰見把劍
見徐君注

猶迴憶戴船

洙曰見應尋
戴安道注

相知

成白首

洙曰潘安仁投分寄
石友白首同所歸

此別閒黃泉

洙曰左傳
不及黃泉

風

雨嗟何及江湖涕泣然

注胡眈切洙曰詩嗟何
及矣文中子泣然流涕

修文將

管輅

洙曰見修文地下郎注趙曰言李尚書奇才如魏之管輅

奉使失張騫

洙曰見查上覓

張騫

史閣行人在

洙曰周禮大行人小行人趙曰史閣言書名于史冊也

詩家秀

句傳

蘇曰陸士龍題詩對南山日晚得佳句

客亭鞍馬絕

彭曰此言子美為客亭留于此

李公無復鞍馬來相尋矣

旅櫬網蟲懸

洙曰沈休文詩網蟲垂戶織夕鳥傍簷飛

復魄昭

丘遠

洙曰登樓賦西接昭丘楚昭王墓

歸魂素漥偏

洙曰宋玉魂兮歸來鄭曰漥所簡切

趙曰素漥長安之水也言李尚書乃長安人也潘安仁西征賦地有玄灞素漥大臨曰此二句言李葬于此

樵蘇封葬地喉舌罷朝天

洙曰李固云陛下之有尚書猶天之有北斗為天之喉

舌尚書亦猶舌秋色凋春草王孫若箇邊

洙曰招隱芳草分萋萋王孫兮

不歸大臨曰此言李
即與春草為鄰矣

重題

補注

鶴曰謂之重題又詩云湖風井逕秋
與前篇秋色凋春草叶當是同時作

涕灑不能收哭君餘白頭兒童相顧盡

洙曰言少時相
顧今盡於此矣

宇宙此生浮江雨銘旌濕

洙曰記曰
銘明旌

湖風井逕秋

洙曰
蕪城

賦歌曰邊風急兮城上
寒井逕滅兮丘隴殘

還瞻魏太子賓客減應劉

洙曰
曹丕

書曰應徐陳劉一時俱逝矣趙曰公自注云公歷
禮部尚書薨于太子賓客應則應瑒劉則劉楨

獨坐

大歷三
年作

補注鶴曰詩云江斂洲渚出天虛風物清當是江陵作梁權道亦編在大歷三年荆南詩內

悲秋回白首倚杖背孤城江斂洲渚出

洙曰謝惠連詩蕭條洲渚祭

天虛風物清滄溟服

洙曰一作恨

衰謝朱紱

洙曰易曰朱紱方來

負平

生

趙曰公賜緋矣負平生言無所用於時也

仰羨黃昏鳥投林羽翮輕

師曰黃昏

鳥猶得所歸子美以久客他鄉曾歸鳥之不如乎

暮歸

大歷二年作

補注

鶴曰詩云南度桂水闕舟楫北歸秦川多鼓鞞當是大歷二年夔州作而梁權道編

在三年荆南詩內按公三年正月出峽舟達江陵秋移公安有舟中出南浦詩非無舟楫又詩云霜黃碧梧白鶴棲城上擊柝復烏啼則詩乃秋末作若在大歷三年作則其年秋在公安冬移岳陽有舟雪洒寒燈之句與闕舟楫愈不叶趙注云城上擊柝為白帝城為是是年吐蕃寇靈州邠州京師戒嚴故曰北歸多鼓鞀三年雖吐蕃亦寇邠靈州京師亦戒嚴然若作江陵作則北歸長安不由秦川

霜黃碧梧白鶴棲城上擊柝復烏啼

趙曰白帝城也易重門擊柝修可曰

琴曲有烏夜啼宋臨川王義慶造也

客子入門月皎皎

洙曰詩月出皎兮

誰家搗

練風淒淒

洙曰詩風雨淒淒

南渡桂水闕舟楫

師曰恨无濟川之才

北歸

秦

洙一作洛

川多鼓鞀

趙曰時吐蕃之兵未息也師日言京師尚屯兵以防守也

年過半

百不稱意明日看雲還杖藜

移居公安敬贈衛大郎鈞

大厯三年作

補注

鶴曰公以大厯三年秋移居公安此詩云水煙通徑草秋露接園葵乃是時作

衛侯不易得余病汝知之雅量涵高遠清襟照等夷

尹曰

袁掣答王儉詩老夫亦何寄之子照清襟清氣溢素襟彥輔曰夷平也謂平交也

平生感意氣

趙曰

言意氣之感也

少小愛文辭

蘇曰羊欣少小愛筆研文辭名公多奇之

河海由來合

風雲若有期

洙曰河出崑崙千里一曲九曲入海古詩風雲若遇會

形容勞宇宙

洙曰陶潛寓形宇宙復幾時趙曰言憔悴垂老于世質朴謝軒墀趙曰言無復自

古幽人泣

洙曰易幽人貞吉

流年壯士悲

蘇曰文選流年水煙

通徑草秋露接園葵

洙曰陸士衡園葵詩種葵北園中零露垂鮮澤趙曰述其移居於公

安之地也

入邑豺狼鬪

趙曰以比盜賊也

傷弓鳥雀饑

趙曰以比窮困之民也

白頭供宴語

趙曰公自謂也

烏几伴棲遲

趙曰烏皮几也言遷於公安唯有此物

補注

希曰夏侯若東方朔畫像贊棲遲下位

交態遭輕薄

洙曰古詩五陵輕薄兒

今

朝豁所思

公安送韋二少府匡贊

大歷三年作

補注

鶴曰詩云時危兵甲黃塵裏日短江湖白髮前是大曆三年秋晚作是年吐蕃入寇

京師
戒嚴

逍遙公後世多賢

洙曰韋嗣立封逍遙公所隱谷曰逍遙谷田曰北史韋叟字敬遠孝寬之

兄志尚夷簡淡於榮利號曰逍遙公故世系表謂韋氏九房以叟之後為逍遙公房嗣立之後為小逍遙公師曰子美稱逍遙公乃叟非嗣立

送爾維舟惜此筵念我能書

洙曰一作常能數

字至將詩不必萬人傳時危兵甲黃塵裏日短江湖白

髮前古往今來皆涕淚斷腸分手各風煙

洙曰別賦造分手而銜涕

又分手

易前期

贈虞十五司馬

上元寶應間作

補注

鶴曰梁權道編在大厯三年公安詩內今考詩云百年嗟已半若是在是年作則公已

五十七歲當如暮歸詩云年過半百不稱意於此云百年虛過半今不云過而云已意是上元寶應間在浣花作故云沙岸風吹葉雲江月上軒若在公安則未嘗舍舟所謂維舟倚前浦是也

遠師虞祕監

世南

今喜識玄孫形象丹青逼家聲器宇存

洙曰見烜赫舊家聲注蘇曰麗

淒涼憐筆勢浩蕩問辭

源

蘇曰江總詞源

爽氣金天豁

洙曰王子猷西山朝來致有爽氣

清談

浩蕩學海淵深

玉露繁

洙曰董仲舒有玉杯繁露

佇鳴南嶽鳳

洙曰劉公幹鳳凰集南嶽徘徊孤竹根師

曰衡山

欲化北溟鯤

洙曰莊子北冥有魚其名為鯢化而為鳥其名為鵬

交態知浮俗

趙曰鄭莊傳翟公題門曰一貧一富乃知交態

儒流不異門

洙曰儒門流同門異戶

過逢

連客位

洙曰沈休文詩客位紫苔生

日夜倒芳樽沙岸風吹葉雲江

月上軒

洙曰別賦月上軒而飛光

百年嗟已半四座敢辭喧書籍終

相與青山隔故園

蘇曰南史王筠沈約見筠文客嗟而嘆曰昔蔡伯喈見王仲宣稱曰王公

之孫吾家書籍悉當相與僕雖不敏請附斯言師曰子美欲悉以書籍與虞庶幾傳子美之業也

公安縣懷古

大厯三年作

魯曰吳大帝推蜀先主為左將軍荊州牧鎮油
口即居此城時人號備為左公故名其城曰公
安

補注

鶴曰詩云寒天催日短風浪與
雲平當是大歷三年秋晚作

野曠呂蒙營

洙曰吳將呂蒙營於公安鄭曰十三州志
吳大帝封呂蒙為孱陵侯居此地故曰營

江深劉備城

洙曰劉備初
為荊州牧

寒天催日短

蘇曰郡平客居
多事值寒天鐘

鼓催簷
外日短

風浪與雲平灑落君臣契

趙曰先主
與諸葛也

飛騰戰伐

名維舟倚前浦長嘯一含情

洙曰阮籍見孫
登長嘯而返

公安送李二十九弟晉肅入蜀余下沔鄂

補注鶴曰公以大厯三年冬發公安往岳陽今詩云檣烏相背發蓋其時故題云余下沔

鄂後不果
至武昌

正解柴桑纜

洙曰謝詩解纜候前侶柴桑屬潯陽郡鄭曰柴桑地名在江州

仍看蜀道

行

趙曰送晉肅入蜀也

檣烏相背發

趙曰檣上刻為烏形

塞雁一行鳴南紀

連銅柱

洙曰見南紀標銅柱注

西江接錦城

洙曰世說成都城皆種芙蓉至秋開望之

若城故號錦城

憑將百錢卜飄泊問君平

趙曰嚴君平賣卜于成都日閱數人得百

止錢乃

宴王使君宅題二首

大厯三年作

補注

鶴曰詩云江湖墮清月當是在荆南作梁權道編在公安詩內然均不出大厯三年

秋王使君當是闕居邑中故云漢主追韓信蒼生起謝安

漢主追韓信蒼生起謝安

洙曰漢王入闕諸將多逃蕭何獨追韓信晉謝安高卧東

山為蒼生而起

吾徒自飄泊世事各艱難逆旅招邀近他鄉意

緒寬補注

希曰意一本作思

不才甘朽質

洙曰楊惲書材行朽穢文質无所底高

卧豈泥蟠

洙曰揚子龍蟠于泥趙曰所以自謙也

汎愛容霜鬢留歡下夜闌

洙曰一作夜闌子美父諱闌諸家本辨兩處非闌字此亦

可知補注

希曰鬢一本作髮闌一本作閑不唯無義又其誤補注是公父諱王內翰云辨兩處非閑字此可知

其誤又一本
作夜闌為是
自吟詩送老相勸酒開顏戎馬今何地

洙曰

古詩戎馬
遍九州
鄉園獨在山
補注希曰在一江湖墮清月

趙曰

李白詩更看
江月墮清波
酩酊任扶還
蘇曰嵇康常醉人扶還家古

詩但教長酩酊任自別人扶

留別公安太易沙門

大曆三年作

補注

鶴曰沙門乃僧之通稱梁會稽沙門惠皎作高僧傳云漢始有沙門唐元奘稱沙門

是也詩云沙村白雪猶含凍江縣紅梅已放春當是大曆二年冬起岳陽時作

隱居欲就廬山遠麗藻初逢休上人
洙曰湯休上人
數問舟

航留製作長開篋
竒擬心神沙村白雪仍含凍
師曰相如上林

賦其北則含凍
裂地涉氷揭河

江縣紅梅已放春先踏爐峯置蘭若徐

飛錫杖出風塵

洙曰爐峯香爐峯也在海陽廬山有東西二村寺



補注杜詩卷三十四

欽定四庫全書

集部

補注杜詩卷三十五

臣永瑤恭校

檢討臣何思鈞覆勘

總校官進士臣朱鈴

校對官助教臣胡予襄

謄錄監生臣牛中瀚

欽定四庫全書

補注杜詩卷三十五

宗

黃希原本

黃鶴補注

晚發公安數月憇息此縣

大厯三年作

補注

鶴曰大厯三年秋公移居公安冬深入岳陽此詩作於其時詩云北城擊柝復欲罷

謂九月吐蕃入寇京城戒嚴今已罷矣

北城擊柝復欲罷

朱曰易重門擊柝哀七年傳魯擊柝聞於邾

東方明星亦

不遲

朱曰晉傳云東方大明星光影照千里詩東有啓明西有長庚註曰旦出謂明星為啓明日既入謂

明星為長庚庚續也箋云啟明長庚皆有助日之名而
無實光孫炎曰明星太白也出東方高三舍而曰太白
矣長庚不知是何星也或一星出在
東西而異名或二者別星未能審也鄰雞野哭如昨日
蘇曰張禹鄰雞哭野鹿馬物色生態洙曰一作生能幾時洙曰
嘶風超坐拊髀望鄉長嘆舟楫眇然自此去
顏延年日暮行樂蘇曰鍾繇駕松舟
歸物色系榆時舟楫眇然自此去
而江湖遠適無前期洙曰沈休文別范安成平生少年
去江湖遠適無前期洙曰沈休文別范安成平生少年
所出門轉盼已陳迹洙曰王羲之俛仰
止洙曰謝靈運游南亭詩藥餌情所止衰疾忽在期
之餌情所止衰疾忽在期

泊岳陽城下

大歷三年作

補注 鶴曰詩云舟雪洒寒燈
當是大厯三年冬深作

江國踰千里山城僅百層洙曰顏延年賦臨廣望坐百層岸風翻夕浪

舟雪灑寒燈留滯才難盡洙曰管輅曰酒不可極盡吾欲持酒以禮持財以愚何患

之有也史太史公自序太史公留滯周南艱危氣益增洙曰馬援曰大丈夫窮當益堅老當益壯

趙曰史云儒夫增氣圖南未可料變化有鯢鵬洙曰莊子北溟有魚其名爲鯢鯢之

大不知其幾千里也化而爲鳥其名為鵬鵬之背不知幾千里也又云背負青天而莫之天閤焉而後乃今將

也圖南

纜船苦風戲題四韻奉簡鄭十三判官泛

補注

鶴曰詩云漲沙蘊草樹舞雪渡江湖當是大厯三年在岳陽時作

楚岸朔風疾天寒鶴鵠呼鶴鵠汎浮往來漲沙蘊草

樹洙曰丘希範詩森森舞雪渡江湖洙曰古詩扁舟載風雪半夜渡江湖

定功曰鮑照學劉公幹體云胡風吹朔雪吹帽時時落

千里渡龍山集君瑤臺上飛舞兩楹間

洙曰孟嘉傳嘉為桓溫參軍既和而正溫重之九月九日溫遊龍山參僚畢集時佐吏並著戎服有風吹嘉帽落墮桓謂左右及賓客維舟日日孤舟洙曰詩汎汎楊

勿言且以觀其舉止因

聲置驛外趙曰題云簡鄭十三判官故使鄭莊置驛事為覓酒家壚洙曰司馬相如傳文君當壚郭璞曰壚酒壚師古曰賣酒之處累土為壚以居酒瓮四邊隆起其一面高形如銀壚故名壚耳

登岳陽樓

大厯三年作

補注

鶴曰唐子西云過岳陽樓觀子美詩不過四十字耳氣象閑放涵蓄深遠殆與洞庭

爭雄所謂富哉言乎者余謂一詩之中如吳楚東南折乾坤日夜浮一聯尤為雄偉雖不到洞

庭者讀之可使宵次豁達當是大厯三年作

昔聞洞庭水

鄭曰在岳州

今上岳陽樓

洙曰風土記曰陽羨縣東有太湖中有包

山山下有洞穴潛行地中無所不通謂洞庭地脉

吳楚東南坼

趙曰吳與楚地相接此實道洞

庭濶遠之狀

乾坤日夜浮

趙曰言在乾坤之內其水日夜浮也語既高妙有力而言洞庭之光

大過補注

希曰渾天儀天如雞子地如雞子中黃孤居如此補注天內天大地小表裏有水四海之水浮於元

氣之上天地各乘氣而立載水而行又水
衡記天下之至多者水焉浮天而載地也
親朋無一字

老病有孤舟蘇曰孔伋友人見訪問先生何之伋搖溪上孤舟曰有此足以養老病復何愁焉

戎馬關山北憑軒涕泗流洙曰老子戎馬出郊張景陽登臺詩遠望涕泗流趙曰王

仲宣登樓賦云憑軒檻以遠望向北風而開襟

陪裴使君登岳陽樓

大歷四年作

補注鶴曰詩云雪岸叢梅發春泥百草生當是大歷四年初春作裴使君必岳守故用陳

蕃事詩云禮加徐孺子

湖濶兼雲霧樓孤屬晚晴禮加徐孺子洙曰後漢徐孺子豫章南昌人

時陳蕃為太守以禮請署功曹穉不免之即既謁而退蕃在即不接賓客惟穉來時設一榻去則懸之後舉有道定功曰徐穉詩接謝宣城洙曰謝玄暉為宣城郡太守時之宣城出新林浦向

子公自北也板橋有云江路西來永歸流東雪岸叢梅發春泥百草

生敢違漁父問從此更南征洙曰史記屈原傳令尹子蘭怒屈原使上官大夫短

原於楚襄王怒而遷之原至江濱被髮行吟澤畔漁父見而問之曰子非三閭大夫歟何故至此原曰舉世混濁而我獨清衆人皆醉而我獨醒是以見放

宗王作招魂辭曰獻歲發春兮汨吾南征些

過南嶽入洞庭湖

大厯四年作

補注鶴曰題云過南嶽入洞庭湖則當是自潭州回岳陽作而詩云歌側風帆滿微冥水

驛孤又云翠牙穿裛漿碧節吐寒蒲正大厯四年正月自岳陽之潭州時作殆謂自岳陽過南嶽而入洞庭也梁樵道亦編在其年赴湖南詩內

洪波忽爭道岸轉異江湖鄂渚分雲樹衡山引舳艫

屈原九章乘鄂渚而返顧漢武紀舳艫千里師古曰舳音軸艫音廬鄭曰說文云舳舟尾艫舟前也翠牙

穿裛蔣碧節吐寒蒲趙曰葉字在韻書音獎云所以隱船曰槩今詳其義乃菰蔣之蔣耳

蓋蒲有節而補注希曰淮南子原道訓篇浸潭菰蔣許氏註云浸潭之間以生菰蔣實菰者蔣有牙也

蔣實也菰讀觚哉之觚蔣讀水漿之漿今公乃作側聲用何也本草蒲有九節者為貴病渴身何

去春生力更無壞童犁雨雪漁屋架泥塗歌側風帆滿

微冥水驛孤悠悠迴赤壁

趙曰赤壁在夏口之東武昌之西鄭曰盛弘之荊州記曰

薄沂縣沿江一百里南岸名赤壁周瑜破魏武於赤壁東西一百六十里

浩浩略蒼梧

趙曰蒼梧

在洞庭西南之地乃永州也

補注

希曰九域志載蒼梧山在道州

帝子留遺恨曹公

屈壯圖

洙曰屈平九歌湘君云帝子降兮北渚目眇眇兮愁予史記舜南巡狩崩於蒼梧之野禮記曰

舜葬蒼梧

二妃不從後漢獻帝紀建安十三年曹操自為丞相南征劉表表卒少子琮立以荊州降操以舟師

伐孫權權將周瑜敗之於烏林赤壁周瑜傳曹公入荊州劉琮舉衆降權延見羣下問以計策瑜曰操雖託名

漢相其實漢賊也操自送死而可迎之乎瑜請得精兵三萬人進往夏口為將軍破之權曰老賊欲廢漢自立

久矣徒忌二袁呂布劉表與孤耳今數雄已滅惟孤尚存與老賊勢不兩立君言當擊甚與孤合此天以授孤

也遂共圖計逆曹聖朝光御極殘孽駐艱虞才淑隨所

養洙曰蒯通傳隨所養之役者失萬乘之權守儋石之祿者闕卿相之位名賢隱鍛鑪鄭

鍛鑪小冶也趙曰此言上雖復長安而吐蕃猶未息是為駐艱虞才淑之人有隨所養者名士之賢有隱鍛鑪

者嵇康初居貧與向秀共邵平元入漢洙曰蕭何傳陳

鍛於支樹之下以自贍給邵平元入漢洙曰蕭何傳陳

至邯鄲而韓信謀反關中呂后用何計誅信上聞誅信使使拜何為相國益封五千戶衛諸君皆賀邵平者故

秦東陵侯謂何曰禍自此始矣上暴怒於外而君守於內非被矢石之難而益君封置衛者以今者淮陰新反

於中有疑君心夫置衛衛君非所以寵君願君張翰後謝封勿受悉以家財佐軍何從其計上大悅張翰後

歸吳洙曰晉文苑傳張翰吳人齊王問辟為大司馬東

曹掾翰因見秋風起乃思吳中菰米蓴菜鱸魚歎

曰人生貴得適志何能羈宦數千里以要名爵乎遂命駕而歸莫怪啼痕數危檣逐夜
烏洙曰檣掛帆木也趙曰檣上刻
烏以候風陰鏗詩檣轉向風烏

宿青草湖

大厯四年作

補注

鶴曰青草湖在岳州與洞庭湖相連當是大厯四年赴湖南時宿此

洞庭猶在目青草續為名

夢符曰按岳州圖經洞庭湖在縣西南一里荊州記云巴

陵南有青草湖與洞庭湖相連周迴數百里日月出沒其中鄭曰十道志在岳州荊州記因青草山為名周回

八百里吳錄地志巴陵有青草湖蓋洞庭本指吳縣南所謂太湖是也

宿槩依農事趙曰

於湖中種田故宿槩依之也

郵籤報水程趙曰舟中所用以知時也漏籌謂之郵籤古詩難人

司漏轉更籤

寒水爭倚薄雲月遞微明湖鴈雙雙起人來故

北征

洙曰九歌云駕飛龍兮北征遘吾道兮洞庭

宿白沙驛

洙曰初過湖南五里大厯四年作

補注

鶴曰詩云湖外草新青又云萬象皆春氣當是大厯四年春赴湖南時經此

水宿仍餘照

洙曰謝靈運入彭蠡湖日作客游倦水宿風湖難自論

人烟復此亭

驛邊沙舊白湖外草新青萬象皆春氣孤槎自客星

洙曰

博物志曰仙查犯牛斗隨波無限月

蘇曰景差湘江辭云隨波無限月愁

客星於蜀郡問嚴君平

殺獨醒人望月莫的的近南溟

洙曰莊子鵬鳥海運則將徙於南溟南溟天池

也

湘夫人祠

大厯四年作

洙曰屈原九歌有湘夫人韓愈黃陵廟碑云湘
旁有廟曰黃陵自前古立以祠堯之二女舜二
妃者庭有古碑斷裂分散在地其文剥缺考圖
記言漢荊州牧劉表兄立題碑曰湘夫人今驗
其文乃晉太康九年又題其額虞帝二妃之碑
非劉之立者秦博士對始皇帝云湘君者堯之
二女舜妃者也劉向鄭玄亦皆以二妃為湘君
離騷九歌既有湘君又有湘夫人王逸之解以
為湘君者自為水神而謂湘夫人乃二妃也從
舜南征三苗不返道死沅湘之間山海經曰洞
庭之山帝之二女居之郭璞疑二女者帝舜之
后不當降小君為其夫人因以二女為天帝之

女以余考之璞與王逸俱失也堯之長女娥皇
為舜正妃故曰君其二女英自宜降曰夫人也
故九歌辭謂娥皇為君謂女英為帝子各以其
盛者言之也禮有小君明其正者得稱君也書
曰舜陟方乃死傳謂舜升道南方以死或曰舜
死葬蒼梧二妃從之不及溺沅湘之間余謂竹
書紀年帝王之沒皆曰陟舜昇也謂昇天也書
殷禮陟配天言以道終其德協天也書紀舜之
沒云陟與竹書同文也其下言陟方乃死者所
以釋陟為死也地之勢東南下如言舜南巡而
死宜言下方不得言陟方也以此謂舜死葬蒼
梧之野於時二妃從之不及而溺者皆不可信
補注 鶴曰按九域志二妃廟在全州而全在唐
為永州故今全有零陵郡古城又灌陽縣
舊屬永公自岳之潭不應舟出此當是別有祠
在洞庭之上流山海經云洞庭之山帝之二女

居之宜有祠也詩云晚泊登汀樹微馨借渚蘋
後篇祠南夕望云百丈牽江色孤舟汎日斜皆
謂舟之所經則祠在洞庭之上長沙之下無疑
故韓愈黃陵廟碑云以私錢十萬抵岳州領易
廟之北楠腐瓦於刺史王堪
之此詩當是大厯四年春作

肅肅湘妃廟

洙曰肅肅敬也詩思齊肅肅在廟

空牆碧水春蟲書玉佩

蘇燕舞翠帷塵晚泊登汀樹微馨借渚蘋蒼梧恨不淺

染淚在叢筠

洙曰湘妃涕泣以淚揮竹染竹成斑趙曰張華博物志云舜死二妃淚下染竹即斑

補注

鶴曰竹紀云湘竹亦曰湘妃竹生瀟湘亦引博物志云舜南巡死於蒼梧二妃淚下染竹成斑二妃

為湘神故曰湘妃

祠南夕望

補注

鶴曰與前篇
同一時作

百丈牽江色

洙曰海賦揭百丈所
以牽船也連竹為之

孤舟汎日斜興來猶

杖屨目斷更雲沙山鬼迷春竹

洙曰屈原九歌有山鬼
祠余處幽篁兮終不見

天路險厄
今獨後來

湘娥倚暮花

洙曰湘娥屈平所謂湘君也
郭璞江賦協靈運於湘娥

湖

南清絕地萬古一長嗟

蘇曰徐元詩萬古長
安景搔頭一嘆嗟

發白馬潭

大歷四
年作

補注

鶴曰詩云水生春纜沒又云南征且未迴
舊次在祠南夕望之後當是大歷四年赴

湖南
時作

水生春纜沒

洙曰吳志孫權傳註權為歲與曹公說春水方生公宜速去

日出野船

開宿鳥行猶去花叢笑不來人人傷白首處處接金盃

莫道新知要

趙曰楚詞云樂莫樂於新相知

南征且未迴

洙曰屈平離騷濟沅湘以

征南

歸鴈

大曆四年作

補注

鶴曰詩云是物關兵氣何時免客愁當是大曆四年春赴湖南時作時吐蕃未寧

聞道今春鴈南歸自廣州見花辭漲海

趙曰漲海趙名也避雪

到羅浮是物關兵氣何時免客愁年年霜露隔不過五湖秋

野望

大曆四年作

補注

鷓鴣曰詩云雲山兼五嶺風壤帶三苗野樹侵江澗春蒲長雪消當是大曆四年春作

納納乾坤大行行郡國遙

洙曰古樂府補注希曰楚辭行行重行行衣納納而

掩露魏武帝詩行行日已遠人馬同時飢

雲山兼五嶺

魯曰陸機贈顧交趾詩伐鼓五嶺表蒼舒

曰按秦始皇畧定揚越調成五方南守五嶺塞上嶺一也騎歸嶺二也都龐嶺三也畧緒嶺四也越城嶺五也

自北徂南入越之道必由嶺焉黃曰裴氏廣州記曰大庾始安臨賀桂陽揭陽是五嶺何曰鄧德明南康記曰

大庾嶺一桂陽甲騎嶺二九真郡龐風壤帶三苗洙曰嶺三臨賀萌緒嶺四始安越嶺五

竄三苗於三危註云苗國名緡雲氏之後為諸侯饗餐三危西裔昭元年說自古諸侯不用王命者虞有三苗

夏有補注希曰書註三苗之國左洞庭故云謂之兼五嶺者亦觀危補注

以其地連臨賀始安也野樹侵江濶春蒲長雪消扁舟空老去無

補聖明朝

入喬口大厯四年春作

魯曰長補注沙北界鶴曰唐志潭州有喬口鎮兵九域志喬口鎮在長沙縣當是大厯四

年春作

漠漠舊京遠

洙曰陸機樂府街巷紛漠漠盧諶詩南望舊京路

遲遲歸路賒殘

年傍水國

洙曰周禮水國用龍節顏延年詩水國周地險

落日對春華樹蜜早

蜂亂

田曰樹蜜棋也崔豹古今註曰棋一名樹蜜一名木餽實形拳曲核在實外荆湘多此師曰樹蜜棋

也或作拘高大似白楊多枝而曲飛鳥喜巢其上所謂止棋來巢是也而說者謂蜜當作密非也若望覽率寺

詩云樹蜜當山徑江甫注希曰本草石蜜陶隱居云即深隔寺門自當作密不注蜜也又有木蜜呼為食蜜

懸樹枝作之木蜜即樹蜜自不必別求況言江泥輕驚輕驚而及江泥言早蜂而及樹蜜皆其類也

斜賈生骨已朽悽惻近長沙

洙曰前賈誼傳天子議以誼在公卿之位絳灌之屬

盡害之通毀誼曰雒陽之人年少初學專欲擅權紛亂諸事於是天子後亦疎之以誼為長沙王傳誼既謫去

意不自得渡湘為賦弔屈原後梁王勝墮馬死詎自傷
為傳亡狀常哭泣後歲餘亦死老子曰其人與骨已皆
朽矣

銅官渚守風

大曆四年春作

趙曰潭州長沙有銅官山云楚鑄錢處則此渚
乃以是得名乎鄭曰寰宇記銅官山在湘縣南
一百一十八里補注鶴曰按寰宇記梓州銅山
與長沙分縣界補注縣西南五十八里亦有銅
官山又李膺蜀記云梓州玄武縣簡州金水縣
競銅官坑則梓州亦自有銅官山公又嘗至梓
然此詩不夜楚帆落避風湘渚間則
在潭州明矣當是大曆四年春作

不夜楚帆落避風湘渚間水耕先浸草春火更燒山補

注希曰三秦記趙高燒山山雞飛走

早泊雲物晦逆行波浪慳飛來雙

白鶴過去香難攀

洙曰漢武詔火耕水耨應邵曰燒草下水種稻草生高七八寸因悉芟去

復下水灌之草死獨稻長所謂水耕歐曰古樂府虞世南飛來雙白鶴奮翼遠凌煙俱棲集紫蓋一舉背青田師曰古調云飛來雙白鶴乃從西南來又古樂府載飛來雙白鶴三篇梁元帝云時從洛北渡飛向遼東來皆過去難攀之意也

北風

大歷四年春作

洙曰新康江補注鶴曰詩云春生南國瘴氣待口信宿方行北風蘇當是大歷四年春暖

喜得北風而作也回棹詩云衛岳江湖大燕池疫癘偏蓋其時也

春生南國瘴氣待北風蘇向晚霾殘日

洙曰詩終風且霾趙曰爾雅云

風而雨土為霾實言昏曠之狀也

初宵鼓大鑪

洙曰莊子大宗師以天為大鑪王粲師傳鼓

洪鑪以燎毛髮爽攜卑濕地

洙曰賈誼傳誼既以謫居長沙卑濕誼自傷悼乃為賦

聲拔

洞庭湖萬里魚龍伏三更鳥獸呼

趙曰魚龍懼而藏滌伏鳥獸驚而呼鳴滌

除貪破浪

趙曰南史宗慤云願乘長風破萬里浪

愁絕付摧枯執熱沉沉

在

洙曰桑柔詩誰能執熱逝不以濯

凌寒往往須且知寬病肺不敢恨

危塗再宿煩舟子

洙曰莊三年傳再宿為信趙曰詩招招舟子

衰容問僕夫

黃曰邵平衰容忘事時復問僕夫南北

今晨非盛怒

趙曰宋玉風賦盛怒於土囊之口

便

道即長驅隱几看帆席洙曰海賦挂帆席莊子南郭子綦隱几而坐隱憑也雲山湧坐隅

發潭州

大厯四年春作

補注鶴曰詩云曉行湘水春當是大厯四年春自潭之衡時作明年雖亦嘗去潭之衡然

是時已夏故知其為今年作

夜醉長沙酒洙曰謝惠連雪賦酌湘吳之醇酎曉行湘水春岸花飛送

客檣燕語留人賈傅才何有洙曰賈誼為長沙王太傅褚公書絕倫

洙曰按唐書褚遂良博涉文史尤工隸書父友歐陽詢甚重之太宗嘗謂侍中魏徵曰虞世南死後無人可論

書徵曰遂良下筆道甚得王羲之體太宗即日召令侍
書太宗嘗出御府金帛購求羲之書迹天下爭齎古書
詣闕以獻當是莫能辨其真偽遂良備論所出一無舛
誤永徽元年高宗將廢皇后王氏立昭儀武氏為后遂
良極諫以為不可致笏於殿陛曰還陛下此笏仍解巾
叩頭流血帝怒令引出翌日李勣奏曰此乃陛下家事
不合問外人帝乃立武昭儀為皇后左遷遂良潭州補
都督顯慶三年為密中刺史桓譚以揭雄為絕倫補
注鶴曰一本注云褚永徽末放此褚公置笏解巾極諫
王后不宜廢高宗若聽其言安得有武氏之禍其忠
操可謂絕倫矣
書特其小耳

名高前後事回首一傷神

雙楓浦

大歷四年作

補注

鶴曰大歷四年去潭州時作詩云自驚
衰謝力不道棟梁材蓋因楓而自傷也

輟棹青楓浦雙楓舊已摧

洙曰阮籍詩云湛湛長江水下有楓樹林

自驚衰

謝力不道棟梁材浪足浮紗帽皮須截錦苔江邊地有

主暫借上天迴

趙曰此用乘槎事也

迴棹

大歷四年作

趙曰此公厭衡山之熱憶峴山之補注
涼欲迴棹而往蓋公本襄陽人也
鶴曰魯謂是大

歷五年作然詩不言臧玠之變當止是大歷四年至衡州畏熱欲歸襄陽而卒留於潭

宿昔試安命

趙曰莊子云知其不可奈何而安之若命

自私猶畏天勞生繫

一物

趙曰人之勞生不免繫著一物若名若利皆是矣

為客費多年衡岳江湖

大鄭曰荆州記衡州南岳也周蒸池疫癘偏鄭曰寰宇

陽縣蒸水源出縣西名蒸水者其氣如蒸也山水經云蒸水出重安縣南又東北至臨蒸至湘渭之蒸口散

才嬰薄俗有跡負前賢趙曰賢者每以跡為累故以絕迹為責今有留滯之迹以為負

愧於前巾拂那闕眼趙曰巾拂所以莊肅形容之物瓶罍易滿船蘇

洪嶠解官去長沙臨行嘆曰兒女滿眼瓶罍易滿船曰

歸無負郭滿船瓶罍復何益於吾哉火雲滋垢膩

洙曰淮南子凍雨裛沉洙曰一綿洙曰思玄賦凍雨霈

補註鶴曰爾雅云來雨乃夏月暴雨離強飯蓴添滑

強其亮初洙曰蓴端居蓴續煎之間梁江中有茶鄉

人每年採擷其色
如鐵芳草異常

補註

希曰余嘗官柳見其土風唯
尚煎茶客至繼以六七則知

茗續煎者湖
南多如此

清思漢水上涼憶峴山巔

趙曰湘潭之
地最為卑濕

蒸鬱之處於此
豈非懷鄉之語

順浪翻堪倚

洙曰江賦馮夷
倚浪以傲晚

迴帆又

省牽吾家碑不昧

洙曰杜預沉
碑峴山之下

王氏井依然

洙曰王
桀宅有

井几杖將衰齒茅茨寄短椽灌園曾取適遊寺可終

焉遂性同漁父

洙曰屈原莊子
皆有漁父篇

成名異魯連

洙曰史記
田單屠聊

城歸而言魯連欲爵之魯連逃隱於海上曰吾與富貴
而託於人寧貧賤而輕世肆志焉趙曰如滄浪之漁父
不求名聞魏異魯仲連蓋仲連却秦
軍下燕城雖不受封猶為取名也
篙師煩爾送朱夏

及寒泉

趙曰語鶯師云煩爾送我一去猶於朱夏之際趣及寒泉之為可挹也

奉送王信州峯北歸

大歷四年夏作

補注

鶴曰詩云太史尚南留公自謂也當是在湖南作又云林熱鳥開口江渾魚掉頭大

歷四年夏作

朝廷防盜賊供給愍誅求下詔遷郎署傳聲典信

洙曰一作

能州

趙曰信州乃見唐志

補注

鶴曰唐州固以夔州為本信州今而亦云穎州汝陰郡本信州今

詩有壤歌唯海甸又用陳蕃下榻事云穎川何以酬當是王得穎

蒼生今日困天子嚮

時憂井屋有烟起瘡痍無血流

趙曰追言天子前時以蒼生之困而選王君為

守其效至於井屋有烟則逃亡復業矣瘡痍無血則誅求不再矣

壤歌唯海甸

趙曰擊壤之歌

也唯海甸則時

畫角白山樓白髮寐常早

趙曰公荒榛自言也

農復秋

趙曰言荒年之後又復有秋矣

解龜踰卧轍

謝靈運初去郡牽絲及元興解龜在

景平侯霸為臨淮太守被徵百姓攀轅卧轍不許去趙曰以徐孺子自比而指王奎為陳蕃也言李相待如陳

蕃之見孺子則穎川將何以酬之乎穎川陳氏郡號也

遣騎覓扁舟

洙曰劉真長遣騎覓張孝

廉船見晉書扁舟小舟也

徐榻不知倦

洙曰陳蕃為徐孺子下榻去則懸之

穎川何以

酬塵生

洙曰一作老塵

彤管筆

詩彤管有煒

寒臆黑貂裘

洙曰蘇秦有黑貂裘

高義終焉在斯文去矣休別離同雨散

洙曰曹子建風流雲散一別如

雨劉孝標
烟飛雨散

行止各雲浮

劉越石詩功業未及建夕陽忽西流時哉不我與去矣若雲浮

林熱鳥開口江渾魚掉頭

趙云此言尉佗雖北拜陸賈離別之景

中國初定尉佗平南越因王之高祖使賈賜佗印為南越王尉佗雖髻箕倨見賈賈因說佗君王宜郊迎北面稱臣於是佗迺蹶然起坐謝賈卒拜佗南越王令稱臣奉漢約歸報高祖大悅拜賈為太中大夫

太史

尚南留

見周南太史公註

軍旅應都息寰區要盡收九重思諫

諍八極念懷柔徙倚瞻主室從容仰廟謀故人持雅論

絕塞豁窮愁

趙曰故人指王信州也言聞王信州之論則可以豁旅寓之愁也

復見陶

唐理甘為汗漫遊

洙曰淮南子神仙傳盧敖見一士曰吾與汗漫期於九垓之外趙曰言既

復唐克之化則無心從
官而甘為方外之士也

江閣卧病走筆寄呈崔盧兩侍御

大厯四年秋作

補注

鶴曰後有江閣對雨懷行營裴端公大厯五年平藏玠在潭州而公已去潭則江閣

不在潭州也此詩云長夏想為情又云滑憶彫胡飯則是四年秋作意江閣在潭州之近境故

四年之秋五年之初夏皆在焉

客子庖厨薄江樓枕席清衰年病祇瘦長夏想為情滑

憶

洙曰一作喜

彫胡飯

洙曰沈休文彫胡方自炊又會稽人顧翔少失父事母至孝母好食彫胡

飯常躬自採擷家近太湖湖中後自生彫胡

香聞錦帶羹

夢符曰按荆湘有錦帶春末開花紅

白如錦其苗亦嫩脆可食師曰王彥輔云錦帶吐綬雞也其肉脆美堪作臠錦帶花則予親見之謂吐綬雞為錦帶則傳記所不載彥輔博補注鷓鴣曰既以錦帶花為學而文恐其言亦有所據補注春生而詩云長夏若為情又云滑憶彫胡飯當是秋作則非錦帶花明矣謂之吐綬雞固未知所據不然亦鳥獸中物如今人稱一種禽為練帶繡帶是也下云溜匙兼暖腹溜匙兼暖腹則溜匙指飯暖腹指羹又未必是花也

誰欲致盃罌

潭州送韋員外牧韶州

大厯四年秋作

洙曰迨或云韋適

補注

鶴曰詩云秋天昨夜涼當是大厯四年秋作韶屬嶺南道

炎海韶州牧風流漢署郎分符先令望

洙曰鮑明遠同將以分符竹

舍有輝光

洙曰直不疑為郎為同舍郎疑取金趙曰公亦是員外郎故於韋員外可謂之同舍矣

白首多年疾秋天昨夜涼洞庭無過鴈書疏莫相忘

趙曰

言自洞庭而往彼雖無過鴈以寄書去而彼中書信却不可忘也

潭州留別杜員外院長

韶州刺史韋迥

江畔長沙澤

洙曰一作驛

相逢纜客船大名詩獨步小郡海

西偏

趙曰言子美獨步曹子建與楊德祖書曰仲宣獨步於漢南小郡者韋君自謂韶州也

地濕

愁飛鴈

洙曰賈誼為長沙王太傅長沙卑濕但自傷悼以為壽不得長迺為鴈賦有鴈飛入誼舍止於

坐隅鴈似

天炎畏跼鵲

馬援曰吾在浪泊西里聞虜未滅時下潦上霧毒氣薰蒸仰視

飛薦趾趾
墮水中

去留俱失意把臂共潛然

蘇曰徐璿至固陵下馬把臂兩意潛然久

之乃揮
淚分首

江閣對雨有懷行營裴二端公

大厯五年作

補注

鶴曰端公謂裴虬即道州刺史同平臧玠之亂者當是大厯五年作按通典唐侍御

史凡四員內供二員號為基端他人稱之曰端公虬嘗為御史故云行營正為平臧玠而言舒元輿作御史記以中丞為端長謂中丞為基端之長也

南極

一云南紀

風濤壯

田曰詩曰滔滔江漢南國之紀說者援是詩以江漢為南紀非也蓋南紀

乃分野名廣天文志云是循嶺徼達甌閩中是謂南紀所以限蠻夷也趙曰顏延年春江壯風濤陰晴

屢不分野流行地日江入度山雲層閣憑雷殷長空水

面

洙曰一作面水

文雨來銅柱北應洗伏波軍

洙曰伏波馬援也嘗征武陵蠻

立銅柱以勒功趙曰銅柱在驪州洗軍字昔武王伐紂大雨太公謂之洗兵雨今因雨自銅柱而來引起馬援

則遂有洗伏波軍之句

早發湘潭寄杜員外院長

韋迢作

補注

鶴曰此詩語意與前篇送韋員外收韶州詩多同又同韻疑是韋酬杜之詩前所謂

留別杜員外者當移在此覽者合以語意求之況和押一涼字

北風昨夜雨江上早來涼楚岫千峯翠

蘇曰景差蘭臺春望千峯楚岫

碧萬木
郢城陰
湘潭一葉黃故人湖外客白首尚為郎趙曰杜公晚為

員外郎馮唐顏
駟白首為郎
相憶無南鴈何時有報章薛云按文選顏延年謝

監詩盡言非報
章卿用市所懷

酬韋韶州見寄

大厯四年秋作

補注

鶴曰韋詩云江上早來涼又云湘潭一葉黃當是大厯四年秋作湘潭屬潭州舊史

云後漢湘南縣地吳分湘南立衡陽屬衡陽郡隋廢郡縣屬潭州天寶八年移治於洛口因改

為湘潭今韋發湘潭而公酬於潭州也

養拙江湖外朝廷記憶疎深慙長者轍

洙曰長者轍見陳平傳趙曰言

見過之

重得故人書

洙曰古詩客從遠方來遺我一札又相去萬餘里故人心尚爾趙

曰言書問之不至也

白髮絲難理

蘇曰張企素髮如絲無計新詩料理幾煩梳鏡時起咨嗟

錦不如雖無南過鴈

蘇曰見書成無過鴈註

補注

希曰衡陽有回鴈峯相傳鴈自

此而回雖無此理而詩人屢用之是時公在潭故云

看取北來魚

洙曰古詩呼童烹鯉魚中有尺

素書

千秋節有感二首

大歷四年作

補注

鶴曰大歷四年潭州作詳見註

自罷千秋節頻傷八月來
先朝常宴會壯觀已塵埃
洙曰

唐玄宗紀上以降誕日讌百寮於花萼樓下百寮表請以每年八月五日為千秋節三公以下獻鏡及承露囊

補注

鶴曰開元十七年八月五日左相源乾曜右相張說請以是日為千秋節羣臣因獻甘露萬歲壽酒

又永泰元年獨孤及上表玄宗鳳紀編生日龍池塹劫生日以飲酒宴樂布慶萬方

灰趙曰唐六典註興慶宮池即玄宗龍潛舊宅所居此宅東有舊井忽湧為小池常有雲氣或黃龍見其中

至景龍中其池浸廣遂鴻洞為龍池焉飭曰漢武帝穿昆明池悉是灰墨有外國胡道人云此是天地劫灰之

餘湘川新涕淚洙曰二妃涕淚灑竹成斑趙曰公自言其身之所在而感泣者也舊所引謬矣

秦樹遠樓臺

洙曰謝玄暉銅雀詩縹帷飄井幹樽酒若平生鬱鬱西陵樹詎聞歌吹聲井幹樓也

趙曰公言去長安之遠遙望其樹寶鏡羣臣得金吾萬與樓臺俱不見也舊所引非是

國迴

逸曰金吾將補注

帝曰寶鏡謂王公戚里進金鏡綬帶百官表中尉更名執金吾

師古曰金吾鳥名也主辟不祥故執此鳥之象因以名官衢樽不重飲白首獨餘哀

蘇曰沈炯漂泊未歸搔首歎曰今天下戈兵洶洶弟妹分散唯獨哀白首餘生恐投死無地趙曰淮南子曰聖人之道其猶中衢而致樽邪今公所言則謂當時賜宴之酒羣臣皆得需飲正如衢樽也

御氣雲樓敞含風綵仗高仙人張內樂

定功曰宣室志云唐玄宗夢仙

子十餘輩御雲而下各執樂器而奏之其度曲清越殆非人世也趙曰鄭絳開天傳紀云云玄宗謂高力士曰吾昨夜夢遊月宮月宮諸仙娛予以上清之樂寥亮清越之音非人間所聞也吾歸其曲淒楚動人杳杳在耳力士請名王母獻官桃

洙曰見九重春色醉仙桃註

羅韞紅蕖豔

趙曰紫雲曲

言樂人也洛神賦凌波微步羅韞生塵又迫而察之若芙蓉出綠波金羈白雪毛洙曰曹子建白

馬飾金羈連舞階銜壽酒洙曰舜舞于羽于兩階劉伶銜盃漱醪詩為此春酒以介

眉補注鶴曰即是日羣臣所獻萬歲壽酒及王洙所謂羣臣獻甘露酒上從而讌百僚於花萼樓下

也走索背秋毫洙曰西京賦跳丸劍之揮霍走止聖主

他年貴趙曰追念明邊心此日勞趙曰言今在邊遠桂

江流向北滿眼送波濤趙曰以見公北補注鶴曰明皇望長安之切矣以寶應元

年建巳月崩千秋節由是而罷是時公在成都今在潭

州距罷節巳八年故首有頻傷八月來之句前篇云湘

州新涕淚後篇云桂江流向北蓋以湘水之源自桂

晚秋長沙蔡五侍御飲筵送殷六叅軍歸澧州覲

省詩

補注

鵲曰詩云湖南冬不雪吾病得淹留當是大厯四年冬作

佳士欣相識

蘇曰祖逖遇梁劭曰久聞慈顏望遠遊佳士聲名今日欣識風采

潘安賦壽觴舉慈顏和論語父母在不遠遊趙曰佳士指殷六也慈顏則殷之母也言望其遠遊而歸也甘

從投轄飲

洙曰陳遵嗜酒每大飲賓客滿座輒開門取客車轄投井中雖有急終不得去師古曰坐

閤閉門又投車轄於井中也趙曰言甘從蔡五之飲也

肯作致書郵

洙曰殷美洪喬為豫章太

守都下士人因美致書者百餘函行次石頭皆棄水中曰沉者自沉浮者自浮殷美不為致書郵趙曰言殷不

苟為人
攜書也

高鳥黃雲暮

蘇曰古樂府云黃雲暮四合高鳥各分飛客語遠遊子月圓胡不歸

寒蟬碧樹秋

趙曰江淹碧樹先秋落

湖南冬不雪吾病得淹留

湖中送敬十使君適廣陵

大歷四年秋作

補注

鶴曰詩云秋晚岳增翠風高湖湧波當是大歷四年秋公在潭州作廣陵乃揚州故

未有淮海莫蹉跎之句

相見各頭白其如離別何幾年一會面今日復悲歌少

壯樂難得

蘇曰梁瑄在囚數曰少壯唯難得樂事坡又云此言真可書紳

歲寒心匪他

氣纏霜匣滿

趙曰言在匣中而氣騰矣

冰置玉壺多

洙曰樂府清如玉壺冰趙曰言

心之清也遭亂實漂泊濟時曾琢磨形容吾校老膽力爾誰

過秋晚岳增翠風高湖湧波趙曰魏文帝浮淮賦云驚風泛湧波騫騰訪

知已淮海莫蹉跎

長沙送李十一銜

大厯五年作

補注

鶴曰詩云與子避地西康州洞庭相逢十

即世

與子避地西康州洞庭相逢十二秋

趙曰初同避地於西康州凡十二年

秋而復相補注
鶴曰西康州乃同谷縣按志武德元年
逢於洞庭補注
以縣置西康州貞觀元年州廢縣屬成

州咸通十三年復置公以乾元二年巳亥冬至同谷今
詩云洞庭相逢十二秋當是在大厯五年秋作蓋公是
年夏自潭之衡復欲歸襄遠愧尚方曾賜履趙曰公嘗
陽故下岳陽復次潭也

則蒙尚方

竟非吾土倦登樓

洙曰王粲登樓賦雖信美而非吾土今曾何足以少

留久存膠漆應難並

趙曰言雖有膠漆之好而才一辱器相遠為難比蓋公自謙也

泥塗遂晚收

趙曰言流落而汨沒也左傳使吾子辱在泥塗

李杜齊名真忝竊

洙曰後漢杜密傳黨事既起密免歸本郡與李膺俱坐而名行相次故時人稱李杜焉前有李固杜喬故亦言也范滂傳滂詣獄與母訣母曰汝今得朔雲寒菊倍離與李杜齊名死亦何恨謂李膺與杜密

憂

補注杜詩卷三十五

欽定四庫全書

補注杜詩卷三十六

宋 黃希 原本

黃鶴 補注

重送劉十弟判官

大歷四年秋作

補注

鶴曰詩云他日臨江待長沙舊驛樓當是大歷四年秋在潭州作故詩又云別浦鴈

賓 秋

分源豕韋派

洙曰韋賢傳詩曰肅肅我祖國自豕韋應劭曰在商為豕韋氏趙曰言劉與杜同出

也漢高祖紀贊曰春秋晉史蔡墨有言陶唐氏既衰其後有劉累學擾龍事孔甲范氏其後也而大夫范宣子

亦曰祖自虞以上為陶唐氏在夏為御龍氏在
商為豕韋氏在周為唐杜氏晉主夏盟為范氏
別浦鴈

賓秋

洙曰月令秋月鴻雁來賓蘇曰
張衡云賓雁別浦蘆葦將秋

年事推兄忝

洙曰
張釋

之兄事素盞趙曰劉孝標答郭峙書云頃年事道容髮
衰謝年事益言年歲之事也舊引張釋之兄事素盞非

是人才覺弟優經過辨豐劔

洙曰晉書曰斗牛之間有
紫氣雷煥曰寶劔之精上

徹於天耳在豫章豐城令掘獄屋基入地四
丈得石函中有雙劔一曰龍泉一曰太阿

意氣遂吳

鉤

修可曰吳鉤見出塞詩含笑看吳鉤註趙曰舊引鮑
明遠詩錦帶佩吳鉤而不講其物沈存中云吳鉤者

刀名也刀彎今南蠻
用之謂之葛黨刀也

垂翅徒衰老

洙曰馮異傳始雖垂
翅回谿終能奮翼澠

池可謂失之東
隅收之桑榆

先鞭不滯留

趙曰劉琨與親舅書曰某
枕戈待旦志梟逆虜常恐

祖生先吾
著鞭耳

本枝凌歲晚高義豁窮愁他日臨江待長沙

舊驛樓

奉贈盧五丈參謀琚

大歷四年作

鄭曰琚斤於切洙曰丈人使自江
陵在長沙待恩旨先支率錢米

補注

鶴曰唐志元帥

副元帥府有行軍叅謀開豫軍中機密開元十
二年罷尋復置詩云恭惟同自出蓋公之祖母
盧氏即所誌范陽太君者叅謀其族之長故云
後有送盧十四弟詩亦其族子也大歷四年潭

州作

恭惟同自出

洙曰左傳我之所
自出謂我甥也

補注

希曰寶融傳孝景
皇帝出自寶氏注

云出生也爾雅曰男妙選異高標入幕知孫楚宋曰孫

子謂姊妹之子曰出披襟得鄭僑趙曰左傳季札聘於丈

荆石苞都督揚州事孫楚為叅軍鄭見子產如舊相識丈

人藉才地趙曰丈人指門闕冠雲霄老矣逢迎拙相於

契托饒趙曰言雖衆老拙於逢迎賜錢傾府待爭米駐

船遙趙曰題注所謂補注希曰侍一本作鄰好艱難薄

氓心杼軸焦夢符曰按揚雄方言土作謂之杼木作謂

書曰杼軸空於公私之求趙曰盧之使江陵也當艱難

之際杼軸空而民心焦敎不可多斂以為鄰好之奉也

客星空伴使洙曰見釣瀨客星懸注趙曰客星公自謂

也伴使以言伴盧之為使星也舊注引嚴

陵事雖有客星兩
字而感亂其義矣

寒水不成潮素髮乾垂領

乾居寒切
洙曰秋興

賦素髮颯
以垂領

銀章破在腰

蘇曰張嵩清儉守節為邑西令
官滿駕柴車載書數百卷腰垂

破銀章辭邑人而去邑人惜其去懇留於隋文帝即日
擢為巴西太守有德政遺愛碑尚在余為兒童時聞先

子對客
談此

說詩能累夜醉酒或連朝

洙曰中山有酒一醉
千日趙曰公自言也

藻翰為牽率

洙曰左傳
牽率老夫

湖山合動搖

蘇曰王逸少清
氣壯節搖湖山時

清非造次興盡却蕭條天子多恩澤蒼生轉寂寥休傳

鹿是馬

洙曰趙高
指鹿為馬

莫信鵬如鴉

洙曰見地濕
愁飛鵬注

未解依依

袂還斟汎汎瓢流年疲蟋蟀

洙曰詩蟋蟀在堂歲暮云
暮古詩四時更變化歲暮

一何連晨風懷苦
心蟋蟀傷局促

體物幸鵯鵊

沐曰莊子鵯鵊巢林不過一枝陸機文賦賦體物而瀏

亮張茂先
作鵯鵊賦

辜負滄洲願

沐曰謝玄暉詩復叶滄洲趣蘇
曰嵇紹云年來名利汨沒未遂

休閒深負
滄洲願心

誰云晚見招

趙曰此公感激之言揚雄檄盧
賦曰世有黃公者起於滄洲精

神養性與道漂游太冲詩曰馮公豈不偉白首不見招
李陵云陵雖孤恩漢亦負德孤負本只是孤獨之孤舊

注辜負流傳之誤師曰前漢朱博傳齋閭閭詣府師古
注曰伐功勞也閭所經歷也車千秋傳曰千秋無伐閭

勞注伐積功也閭所經也唐六典以上通用高頭大門
又曰表揭又曰閭閻義謝云表揭閭閻是也俗呼為樞

星門是詩所謂閭閻冠雲霄者蓋言盧氏積日積月立
功而致表揭高於雲霄賜錢傾府待爭米駐船遙謂盧

氏待恩旨未到先支錢未以民心焦勞也寒水不成潮
言水淺也峽人以春水生乃行船自素髮以下乃子美

自述休傳鹿是馬言天子聰明也莫信鵬如
鵝言莫愁遷謫也滄洲神仙所居之地也

登舟將適漢陽

大歷四年秋作

補注

鵬曰詩云春宅棄汝去秋帆催客歸公以大歷四年至潭州因居焉故名春宅則詩

當在四年秋作其後不果歸漢陽是年十一月吐蕃寇靈州盖自大歷元年以來無歲無其禍

故又云中
原戎馬盛

春宅棄汝去

趙曰公二月到潭州因居焉則自春所有之宅名之曰春宅

秋帆催客

歸

趙曰將
歸秦也

庭蔬尚在眼浦浪已吹衣

蘇曰江淹云浦浪輕花泛沙風吹客

衣生理飄蕩拙

蘇曰吳產飄蕩牢落拙治生計幾為人笑吾愧於朋友何日反故山來杞菊枕

石漱泉遂此麋鹿之性

有心遲暮違

趙曰遲暮晚年也楚詞陽美人之遲暮

中原戎

馬盛遠道素書稀

修可曰古詩呼兒烹鯉魚中有尺素書

塞鴈與時集櫓

鳥終歲飛

趙曰帆檣之上刻為鳥形取以為占風

鹿門自此往

趙曰龐德公攜妻子

隱於鹿門

永息漢陰機

洙曰見黃井復猾二注

暮秋將歸秦留別湖南幕府親友

大厯五年作

補注

鶴曰大厯五年秋公欲北首而卒故誌云竟以寓卒殯於岳陽雖與史異然當以詩

為定若以此詩為四年秋作則前篇題云將適漢陽此題又云將歸秦不應一時所鄉不同故

知為大厯五年作

水闊蒼梧野

洙曰謝玄暉詩雲去蒼梧野水還江漢流

天高白帝秋途窮那

免哭

洙曰顏延年途窮能無慟

身老不禁愁

蘇曰孔仲年老失意不禁愁恨

大府才

能會諸公德業優北歸衝雨雪誰憫敝貂裘

洙曰一云俱慙敝貂

裘見季子貂裘敝注趙曰公以蘇秦自比也

送盧十四弟侍御護韋尚書靈櫬歸上都二十四

韻

大曆四年冬作

補注

鶴曰詩云清霜洞庭葉故就別時飛當是大曆四年冬作蓋公又有舟中懷盧十四

侍御弟云朔風吹桂水則是其冬在潭州作盧侍御乃公之祖母盧氏姪孫故呼為弟韋尚書

即後篇哭章
大夫之晉

素幕渡江遠朱幡登陸微

洙曰漢二千石朱幡兩輪趙曰朱幡丹旄也舊引漢二千

石朱兩幡誤矣幡字從車幡字從巾義不同也

補注

鶴曰素幕既渡江而朱幡乃登陸則又非丹旄矣若

是丹旄則與之俱渡江矣當是軍校送之者衛青傳傳校護主師古注校者營壘之稱故謂軍之一部為一校

或曰幡旗之名非也每軍一校則別為幡耳

悲鳴駟馬顧

趙曰有戀生之意

失涕萬

人揮

洙曰陸士衡揮淚廣川陰又得與故人揮

參佐哭辭畢門闌誰送歸補

注

希曰參佐謂佐史參軍也類要所謂參佐使從公伏局舊有用此二字者劉三復亦云參佐廩筵

事久之子俊才稀長路更執紼此心猶倒衣

洙曰詩自公召之顛

倒裳衣

感恩義不小

蘇曰夏侯勝感恩
德義實不小

懷舊禮無違墓侍

龍驤詔

修可曰唐史遺事武后幸洛陽至閬鄉縣東騎
不進召巫問之巫曰晉龍驤將軍王濬云臣墓

在道南每為樵採所苦聞大駕至故哀求后遂詔去墓
百步不得樵採子美八哀詩亦云虛無馬融笛悵望龍

驤瑩趙曰晉王濬為龍驤將軍卒葬柏谷中大營
瑩域侍龍驤詔則言盧尚書之墓如王濬者也

臺迎

獬豸威

趙曰獬豸侍御史冠也獬豸獸名知人曲直而
觸不直者此言韋尚書靈櫬至上郡而送之者

盧侍
卿也

深衷見士則雅論在兵機

趙曰世說鄧艾年十二
至潁川讀陳大丘碑文

曰言為世範行為士補注希曰東一
則遂自名範字士則補注本作哀

戎狄乘妖氣塵沙

落禁闌

趙曰禁闌天子之內也
此言吐蕃陷京師也

往年朝謁斷

修可曰言
去上郡之

久而斷

他日

掃除非但促銅壺箭

洙曰漏刻銘筮簫方圓之制注金謂壺又

云銅史司刻金徒抱箭

休添玉帳旂

趙曰玉帳將軍之帳也

補注

希曰抱朴子外篇軍

在太一玉帳之中不可攻也

動詢黃閣老

洙曰見扈聖登黃閣注

肯慮白登圍

洙曰前漢匈奴傳高帝至平城步兵未盡到冒頓縱精兵三十萬圍於白登七日漢兵中外不得相救高帝乃使間厚遺閼氏迺謂冒頓曰兩主不相困今得漢地單于終不能居之取閼氏之言迺為開一角於是高帝從解角直出與大軍合而冒頓遂引兵罷使劉敬結和親之約趙曰言天子雖屢詢大臣而莫知以白登之圍為慮者此豈勸親征之徒歟朱忠曰三公黃萬姓瘡痍合閭鄭曰白登地名在平城東南十餘里

蘇曰邢元云萬姓瘡痍始合兵甲尚未全息恐西北乘勢再為患也趙曰言其困於誅求役使也

羣兇

洙曰一
云雄

嗜慾肥

趙曰言將帥
乘此為驕也

刺規多諫諍

趙曰所望於
盧侍御也

端拱自光輝儉約前王體風流後代希

趙曰言盧侍御
之登對所論之

事如

對敫期特達

敬與
揚同

衰朽再芳菲

趙曰言對敫天子
之前當在特達而

勿委靡則衰朽之人再
獲芳菲言同受其樂也

空裏愁書字

洙曰見咄咄
正書空注

山中

疾採薇

洙曰伯夷傳登彼
西山兮采其薇兮

撥盃要忽罷抱被宿何依

蘇曰
聶投抱被隨王肅宿趙曰撥盃者揮盃也既別
矣撥盃之相要忽罷平昔抱被就宿今又何依也

眼冷

看征蓋兒扶立釣磯清霜洞庭葉故就別時飛

洙曰楚
辭湘夫

人洞庭波
兮木葉下

哭李常侍嶧二首

大曆三年作

鄭曰嶧補注鶴曰唐志左右散騎常侍隸門下
夷益切

為左貂右為右貂故詩云猶想映貂金詩又云
江漢哭君時當是大曆三年在荆南作而梁權
道編在四年潭州詩內潭不應言江漢也考詩
當是李死於嶺南而歸葬長安公逢於江漢間
而哭之

一代風流盡

蘇曰曹攄曰子建沒陳劉俱逝一代風流
從此盡矣後世誰氏可繼高名趙曰南史

張緒死其從弟融於緒靈前修文地下深洙曰見修文
酌飲慟哭曰阿兄風流頓盡

淵為地下斯人不重見蘇曰山巨源哭嵇康曰中散死
修文郎理玉重泉沈珠滄海不重見斯

人矣趙曰孔子言伯牛之疾曰斯人將老失知音洙曰伯牙

也而有斯疾也蓋嘆其人之賢也

以鍾子期為知音子期死而牙絕絃蘇曰鮑叔云將老矣遽失知音趙曰指李常侍如子期也曹丕與吳季實書曰昔伯牙絕絃於鍾子期仲尼覆醢於子路痛知音之難遇傷門人之莫逮也短日行梅嶺

寒山洙曰一作江落桂林趙曰言李常侍之觀自廣南來也大庾嶺多梅故謂之梅嶺廣志曰

桂生於高山之嶺其類自為林補注希曰史記東越傳令諸校屯豫章梅嶺山海經云桂林八樹在番禺

東番禺即番禺也若以桂州為長安若箇畔猶想映貂

金洙曰侍中冠貂蟬阮脩以貂蟬換酒

其二

青瑣陪雙入銅梁阻一辭

珠曰見通籍踰青瑣注蜀有銅梁縣補注希曰表記

一辭而退

風塵逢我地江漢哭君時次第尋書札呼兒檢贈

詩

珠曰古詩遺我一書札又呼兒烹鯉魚文選有贈答詩

發揮王子表不愧史臣

詞

定功曰常侍者宗室之子也故用王子表字前漢書有王子侯表

哭韋大夫之晉

大厯四年夏作

補注

鶴曰公有送韋中丞赴湖南詩茲云韋大夫則韋在湖南升大夫矣詩云誰斷方隅

理朝難將相權當是韋鎮湖南死於鎮所大厯四年夏作故詩又云城府深朱夏

悽愴邨瑕邑

珠曰左傳晉謀去故絳諸大夫曰必居邨瑕氏之地鄭曰邨須倫切國名

差池

弱冠年

洙曰曲禮上二十曰弱冠

士人叨禮數補注

希曰士人一本作丈人一本作

大文律早周旋

洙曰左傳與君周旋

臺閣黃圖裏

洙曰三輔黃圖又漢宮闕詔

簪裾紫蓋邊

洙曰沈休文碑陪龍駕於伊洛待紫蓋於咸陽

尊榮真不忝端雅

獨脩然貢喜音容間

洙曰見切效貢公喜注

馮招疾病纏

洙曰左太沖馮

公豈不偉白首不見招鄭曰馮唐

南過駭倉卒

上乘莽切下七沒切

北思悄聯縣

洙曰洞簫賦吟氣遺往聯縣飄散又云翩聯聯以牢落

鵬鳥長沙諱

洙曰見地濕愁飛鵬注

犀牛蜀郡憐

洙曰見石犀牛行

素車猶慟哭寶劍欲高懸

洙曰把

似覓徐君注

漢道中興盛韋經亞相傳

洙曰建武永平末盡中興之美韋賢不如

教子一經 沖融標世業磊落映時賢城府深朱夏江湖眇霽

天倚樓開樹頂洙曰古詩西北有高樓交疏結綺窗飛旖旎堂前洙曰寡婦賦飛

旖旎旖旎以啓路帝幕旋風燕洙曰帝幕霄懸笳簫急暮蟬興殘虛白室

洙曰莊子虛室生白跡斷孝廉船洙曰世說張憑舉孝廉負其才自謂必恭時彥初欲詣劉真長

卿里及同舉者共笑之張遂往詣真長延之上座清言彌日因留宿至曉張退劉曰卿且前去當取卿共詣撫

軍張還船同旅問何處宿張笑而不答須臾真長遣傳教覓張孝廉船同旅驚愕即同載詣撫軍至門劉進曰

下官今日與公得一太常博士撫軍童孺交遊盡喧卑與之言咨嗟稱善即用為太常博士

俗事牽老來多涕淚情在強詩篇誰繼方隅理朝難將

帥權春秋褒貶例名器重雙全

師曰郇瑕晉地韋大夫靈觀歸晉故子美懷愴

以傷之子美少與公結交故云差池弱冠年王陽在位貢禹喜而彈冠子美上韋左丞詩云竊效貢公喜今已死故曰貢喜音容間子美擬效馮公之招隱奈為疾病所纏而已鵬鳥長沙諱子美自言斥逐困於此地也犀牛蜀郡憐言蜀人畏韋之德也綺樓閣樹頂言莫樓之高也帝幕旋風燕言子美之失韋無所棲托如燕之巢於風幕也惟名與器不可以假人韋之化去朝廷慎難不輕以帥權授人故云誰繼方隅理

舟中夜雪有懷盧十四侍御弟

大曆四年冬作

補注

鶴曰此詩當是盧送韋大夫歸樞公對雪而懷之也故有暗度南樓月之句南樓在

武昌庾亮諸佐更共登者必盧過鄂故云在大曆四年冬作

朔風吹桂水大雪夜紛紛暗度南樓月寒深北渚雲洙曰

北渚有帝子 燭斜初近見舟重竟無聞不識山陰道聽難更

憶君蘇曰郭璞寄宋平詩云夜夢江山遠聞難更憶君趙曰語林曰王子猷居山陰大雪夜開室命酌四

望皎然因懷招隱詩忽憶戴安道

對雪

北雪犯長沙胡雲冷萬家晏注曰北地多雪長補注希沙南郡偶有此故云

唐張謂長沙風土碑曰遁甲所謂沙土之地雲陽之墟可以長往可以隱居者焉 隨風且間一作

開葉趙曰當作開言雪隨風灑於葉上而開也 帶雨不成花金錯囊從罄洙曰

張平子云美人贈我金錯刀趙宣云不如一囊錢杜云此專言錢也漢王莽鑄大錢又造錯刀以金錯其文此錢形之如刀而金錯之之證蘇曰銀壺酒易賒補注希科文云共君莫惜醉罄此金錯囊後漢劉盆子傳呂母釀酒年少來酤者皆賒與之又高祖紀賈酒注賒酒也無人竭浮蟻浮蟻酒也祖出釋名曰有待至昏鴉詩城陰度塹黑昏鴉接翅歸王立之評曰昏鴉亦常語何必引遜句後作絕句却云釣艇收緡盡昏鴉接翅稀補注希公作絕句在此詩之前而公於此方引遜句何也豈不以昏鴉常用之字猶有所本故再用之乃引遜為證欲人不輕用字也

冬晚送長卿漸舍人歸州

大歷三年冬作

補注

鶴曰此詩梁權道編在大厯四年而詩云西戎鄂杜傍却是年京師無吐蕃之禍按

史三年八月吐蕃寇靈州邠州京師戒嚴九月又入寇京師戒嚴邠去京師不滿四百里所以言在鄂杜之傍若四年雖寇靈州而京師未嘗戒嚴殆與詩句不叶又詩云南客瀟湘外蓋是時公在岳陽故云四年公在潭正在瀟湘間自不言外矣當是三年冬晚作無疑

參卿休坐幄蕩子不歸鄉

洙曰古詩蕩子行不歸蘇曰顏延年古樂府嫁得遊蕩子

一去未還卿秋夜不肯明教妾卧幽房趙曰公自言也公為劔南節度使叅謀謂之叅卿公前為之而今罷此所謂休坐幄列子曰人有去鄉土遊於四方而不歸者世謂為狂蕩之人也**補注**希曰以運籌帷字以明其罷叅謀古詩今為蕩子婦蕩子不知歸注婦人比夫為蕩子言夫從征役也臣之事君亦猶女之

事夫故比而言之

南客瀟湘外

趙曰公北人也而南客在湘潭是為南客

西戎鄴杜傍

洙曰宣帝尤樂杜鄴之間杜屬京兆鄴屬扶風蘇曰漢明帝曰今西戎猖獗若不禦備恐犯鄴杜鄴縣杜陵俱

屬京兆趙曰吐蕃之兵未息也師曰參卿言長卿坐於帷幄為參謀也蕩子子美自稱鄴杜乃京城吐蕃陷之

故云西戎

衰年傾蓋晚

洙曰鄒陽傾蓋如故

費日繫舟長

趙曰言舟留滯

鄴杜傍

而未

會面思來札

洙曰古詩會面安可知又客艇遠方來遺我一札書

銷魂逐去

檣

洙曰別賦黯然銷魂

雲晴鷗更舞風逆鴈無行

趙曰列子云鷗鳥舞而不下詩

云兩驂鴈行

匣裏雄劍吹毛任選將

暮冬送蘇四郎篔簹兵曹適桂州

大厯四年冬作

補注

鶴曰通典漢司隸屬官有兵曹從事史蓋有軍事則置唐三都督府上中下州皆有

之詩云盧綰須征日樓蘭要斬時蓋指大歷四年十二月桂州人朱濟反容管經略王翃敗之

此當是其時作

飄飄蘇季子六印佩何遲

洙曰蘇季子言吾若有雒陽負郭三頃田安能佩六國相

印

早作諸侯客兼工古體詩

洙曰見諸侯老賓客爾賢

埋照久

洙曰阮步兵詩沈醉似埋照

余病長年悲盧綰須征日

洙曰盧綰

傳上使召綰稱病不行上怒曰綰果反使樊噲擊綰高祖崩綰遂將其衆亡入匈奴以為東胡盧王為蠻夷所

侵奪居歲餘死

樓蘭要斬時

洙曰見樓蘭

歲陽初盛動

趙曰十二月二

陽生 王化久磷緇洙曰見此道 為入蒼梧廟看雲哭九

疑

師曰山海經云九疑山帝舜所葬在長沙零陵界又云南方蒼梧之淵舜之所葬湘中記曰九疑山在營

道縣九山相似行若疑惑荆州記曰九疑山盤基數郡之界連峯接岫競遠爭高含霞卷霧分隔天日郡國志曰九疑山有九峯曰丹朱曰石城曰樓溪形如樓曰娥皇下有舜如曰舜源曰女英舜墓在此峯下曰肅韻曰紀峯曰紀補注希曰武帝紀望祀虞舜于九疑師古曰林有九十補注其山九峯形勢相似故曰九疑又列仙傳舜游南有王城瑤闕曰九疑之都桂與全相鄰全復鄰於道蘇溪適桂道所從出故云

風疾舟中伏枕書懷呈湖南親友

三十
六韻

補注

鶴曰題云呈湖南親友而詩云故國悲寒望羣雲慘歲陰鬱鬱冬炎瘴濛濛雨滯淫

當是大歷四年冬作故詩又云書信中原闊
干戈北斗深指是年吐蕃寇靈州時而云

軒轅休製律

洙曰甫自注云伏羲造瑟神農作琴舜彈五絃舉歌南風之篇矣史記黃帝名曰軒

轅前漢律厯志黃帝使伶倫自大夏之西崑崙之陰取竹之嶰谷生而竅厚均者斷兩節間而吹之以為黃鍾之宮制十二簫以聽鳳鳴其雄鳴為六雌鳴亦六此黃鍾之宮而皆可以生之是為律本虞舜罷彈

琴

洙曰樂記舜作五絃之琴以歌南風

尚錯雄鳴管

趙曰前所謂十二簫以聽鳳之鳴其雄鳴

六猶傷半死心

洙曰枚乘七發云龍門之桐高百尺而無枝其根半死半生冬則風雪之所激

聖賢名古邈羈旅病年侵

洙曰范蔚宗聞道雖已積年力互頽侵陸士衡詩前路既

已多後塗隨年侵趙曰言造琴律之聖賢其名已古遠矣

舟泊常依震

洙曰震東方也有震澤

湖平早見參

洙曰早一作半參曉星也鮑昭詩曉星正參落

如聞馬融笛

洙曰馬融

好吹笛有長笛賦序云性好音律能鼓琴吹笛

若倚仲宣襟

洙曰王粲登樓賦云憑軒檻以遙望

兮向北風而開襟

故國悲寒望

洙曰顧延年息徒顧將夕極望梁陳分故國多喬木空城凝寒

雲趙曰故國長安也悲當寒望之中

羣雲慘歲陰

洙曰謝惠連雪賦歲將暮時既昏寒風積愁雲

繁水鄉羅白蜃楓岸疊青岑

蘇曰顧穆洞庭楓岸遠幾疊青岑高趙曰江水湛湛

兮上有楓楚岸多楓故曰楓岸

鬱鬱冬災瘡

洙曰張平子鬱鬱不得志

濛濛雨滯淫

洙曰東山零雨其濛勃海方淫滯

鼓迎方祭鬼

趙曰楚俗好巫祀

彈落似鴉禽

洙曰賈誼鵬賦鵬鳥似鴉飽曰莊子見彈而求鴉炙

興盡纔無悶

洙曰王子猷興盡而返易邈世

而無愁來遽不禁生涯相汨沒時物自蕭森作正張景

陽溪壑無人跡疑惑尊中弩修可曰抱朴子曰予祖彬荒林鬱蕭森為汲令注風俗通作汲令

應彬以夏至日請主簿杜宣飲酒北壁上有懸赤弩照於杯中如蛇宣惡之及飲得病後彬知之延宣於舊處

置酒其見如初因謂宣曰此弩影耳宣疾遂瘳淹留冠

上簪洙曰移文借聞披簪逸海岸趙曰冠簪卿大夫之禮也淹留冠上簪公猶未留遂棄冠冕也牽

裾驚魏帝洙曰辛毗諫帝帝怒起引帝裾趙曰言為左拾遺時諫房琯之材不宜廢而肅宗怒之也

投閣為劉歆趙曰揚子雲校書天祿閣上以劉歆嘗問奇字而歆以言祥得罪有司誤以連子雲

子雲為投閣今云為劉歆則是言琯既狂走終奚適蘇曰邠州刺史而公出為華州司功也

王修曰吾狂坐走諸侯門終身
必意奚適乃東書隱三茅山
微才謝所欽洙曰陸士衡寤寐靡

安豫願言
思所欽
吾安藜不糝洙曰孔子黎羹不糝
汝貴玉為琛趙曰言

友也貴玉為琛琛者
寶也詩云來獻其琛
烏几重重縛鷄衣寸寸針趙曰鷄衣即衣

如懸鷄
哀傷同庾信庾信作
述作異陳琳趙曰陳琳健

見其檄而頭風愈今公自
謙以為述作不能似之
十暑岷山葛洙曰蜀葛布也

貧
三霜楚戶砧洙曰三霜居
叨陪錦帳坐洙曰郎官有

官志趙曰公為尚書工部負
外郎故也郎官賜錦帳綏彼
久放白頭吟趙曰公以老

頭吟本是卓文君以相如晚
年置妾而作今公借用之也
反樸時難過洙曰老子
忘還淳反樸

機陸易沉

趙曰史記東方朔坐席中酒酣據地歌曰陸沉於俗文選道勝貴陸沉注無水而沉謂之

陸應過數粒食

洙曰鷓鴣賦巢林不過一枝每食不過數粒

得近四知金

洙曰

漢書王密懷金遺楊震曰夜無知者震曰天知地知予知我知是四知遂不受密慙而退

春草封歸

恨

洙曰劉安招隱王孫遊兮不歸春草生兮萋萋

源花費獨尋

洙曰見欲問桃花宿注

轉

蓬憂悄悄

洙曰見生涯獨轉蓬注柏舟詩憂心悄悄

行藥病涔涔

洙曰鮑明遠有行藥

至城東橋詩注謂招有疾服藥行以宣導之漢霍光夫人

顯謀毒許后后免身取附子并合大醫大九飲之有頃曰

我頭涔涔也藥中得無毒乎對曰無遂加煩懣而萌

瘥天追潘岳

趙曰公必有喪子之禍但無所

考矣潘岳西征賦曰天赤瘥于於新安坎洛側而瘥之

補注

希曰瘥或作瘥或作瘥非鶴曰潘岳傷弱子序

曰三月壬寅弱子生五月之長安次于新安之千秋亭
甲辰而弱子夭乙巳瘞于亭東趙云公必有喪子之禍
而不明其為喪宗文師能引序語而乃以為悼嚴武之
亡按武死于永泰元年四月去大厯四年作詩時已五
年又不應用瘞天事元微之誌嗣子宗武不克葬則宗
文為早世甚明蓋大厯二年有熟食日示宗文宗武詩
又有示兩兒詩明年出夔二子尚無恙今詩云瘞天又
大厯五年卒時唯存宗武故誌云宗武不克葬則宗文
誠天矣意是四年自潭之衡時喪宗文以與蕭令有舊
故瘞于耒陽而公死不果徙也不然何以下句又用渴
死持危覓鄧林洙曰山海經云夸父死棄其杖而為鄧
林列子云夸父不量力欲返日影逐之
於嶠谷之際渴欲得飲赴飲河渭不足將走北飲大澤
未至道渴而死棄其杖尸膏肉所浸生鄧林彌廣數千
里蹉跎翻學步洙曰阮籍娛樂未終極白日忽蹉跎壽
陵餘子學步於邯鄲失其故步匍匐而

返趙曰公自傷隨流俗也

感激在知音

趙曰公自傷其無識之者子期死伯牙絕絃終身不復鼓

却假蘇張舌

洙曰蘇秦張儀也

高誇周宋鐔

洙曰莊子說劍王曰天子之劍何如

曰天子之劍

以燕石為鋒齊岱為鏑

納流迷浩汗

蘇曰孔融

晉魏為脊周宋為鐔韓魏為鈇矣

峻址得欽峯城府開清旭

蘇曰言諸公在幕府也

松筠起碧潯

趙曰公自言其舟之所

披顏

爭倩倩

趙曰言往披承諸公之顏爭為倩倩以相待詩云巧笑倩兮主在乎言笑也

逸足競

駸駸

洙曰詩載駸駸駸趙曰以駸馬比諸公也

朗鑒存愚直

趙曰愚直公自謂也朗鑒則所

以望諸公也

皇天實照臨

洙曰左傳皇天后土實聞此言

公孫仍恃險

洙曰後漢

公孫述恃其地險衆附有異志蜀都賦長城結險吞若巨防一夫守隘萬夫莫向公孫躍馬而稱帝劉宗下輩

而自侯景侯景陷臺城者未生擒書信中原闊干戈北斗深畏

人千里井趙曰蘇氏演義小說載金陵記曰南計吏止於傳舍間及將就路以馬殘草瀝於井中而

去謂無再過之期不久復由此飲於此井遂為昔問俗時劉節刺喉而死故後人戒之曰千里井不瀝劉問俗

九州箴洙曰揚雄傳贊曰箴莫善於虞戰血流依舊洙曰

見邈城流血成海水注軍聲動至今葛洪尸定解洙曰後漢方術傳注尸解者言

將登仙假託為尸以解化也葛洪傳卒年八十一視其顏色如生體亦柔軟舉尸入棺甚輕如空衣也以為尸

解得許靖力還任洙曰蜀志曰許靖字木少與從弟劭俱知名並有人倫臧否之稱而私情

不協排靖不得齒叙也趙曰王朗與靖書曰足下周游
江湖以暨南海可謂徧矣如靖之力還可勝任此公言
南征而
避難
家事丹砂訣洙曰葛洪為勾無成涕作霖洙曰

云伏羲造瑟神農氏作琴舜彈五絃舉歌南風之篇有
矣師曰莊子載孔子之言也方且與世違而心不屑與
之俱是陸沉者也其市南宜僚耶律所以調八風舜琴
亦歌南風阜財解慍今風疾足見時律不調故曰尚錯
雄鳴管如聞馬融笛言嚴武死也若倚仲宣襟言子美
無所依也鼓迎非祭鬼巴蜀多淫祀如事烏鬼之類昔
賈誼困於長沙忌鵬鳥今子美亦然故云彈落似鷄禽
疑惑尊中弩言久病也淹留冠上簪言不用也牽裾驚
魏帝諫房琯事也子美為房琯得罪亦若子雲投閣為
劉棻故也劉棻嘗從雄學作奇字既而棻得罪事逮雄
使者收雄雄遂投閣今作劉歆未知所以謝所欽言諸
公禮待也十暑岷山葛言十年在蜀三霜楚戶砧言三

年在楚反模時難遇言不見治平也文選詩道勝貴陸
沉注無水而沉謂之陸沉史記武帝時齊人東方朔坐
席中酒酣據地歌曰陸沉於俗避世金馬應過數粒食
得近四知金言諸公餽食賜金也春草封歸恨言不得
歸鄉也源花費獨尋言尚避亂也瘞天追潘岳悼嚴武
之亡也持危覓鄧林言武之死朝廷失大材也子美亦
失其故步而感激在於諸公之知已葛洪尸定
解以喻武之化去武以金石得病而殂故云

奉贈蕭二十使君

大厯五年作

補注

鶴曰詩云迴鴈五湖春當是大厯五年潭
州作詩曰昔在嚴公幕俱為蜀使臣艱危

恭大府前後間清塵玉鳬聊暫出蕭雖只相馴
蓋蕭自嚴公幕去而宰縣公有蕭明府晏處覓
桃栽詩乃其人也

昔在嚴公幕俱為蜀使臣艱危參大府前後間清塵

洙曰

嚴再鎮成都今復參幕公自注嚴再鎮成都余復參幕府趙曰蕭於嚴公初鎮時入幕而公在其再來時遂為間起草鳴先路趙曰言蕭自嚴幕而往為舍人矣唐制舍人凡詔旨制勅璽冊命皆起草也

乘槎動要津

洙曰見虛乘八月槎注古詩先據要路趙曰以言其貴也

王鳧聊暫

出

洙曰見遠愧尚方曾賜履注

蕭雉只相馴

洙曰蕭望之為郎有雉隨車魯恭為中牟令翟

雉馴於桑下趙曰蕭廣濟孝子傳蕭芝至孝除尚書郎有雉數十頭飲啄宿止當上直送至岐路下直入門飛鳴

車側舊注引蕭望之感後學矣

終始任安義

洙曰前漢任安字少卿為益州刺史與司馬遷書責

以古賢臣之義也修可曰前漢衛青為大將軍霍去病為驃騎將軍祿秩與大將軍等自是青日衰而去病日

益貴故人門下多去青事去病輒得官爵惟任安不肯
去子美詩首云昔在嚴公幕俱為蜀使臣及有瓊簾金
石之語元注云嚴公既沒老母在堂使君溫清之問若
已之閨庭焉及太夫人傾逝又撫孤之情不減骨肉以
是攷之足以見蕭使君如任安之事衛青有終
始之義注引司馬遷責以古賢臣之義非是荒蕪孟

母鄰聯翩匍匐禮

洙曰詩凡民有喪匍匐救之

意氣死生親

洙曰公自注云

嚴公沒後老母在堂使君溫清之問甘脆之禮名數若
已之庭聞焉太夫人傾逝喪事又首諸孫主典撫孤之
情所謂一死生不減骨肉
張老存家事趙曰禮記檀弓晉獻文子成室

晉大夫發焉張老曰美哉輪焉美哉奐焉歌於斯哭於
斯聚國族於斯今公以張老比蕭使君言能存嚴公之
家令諸孫奉太夫人喪事哭於
嵇康有故人洙曰康臨死謂子曰

山公在汝

食思慙鹵莽

趙曰言蕭使君之心舊食鏤骨不孤矣

抱酸辛

趙曰言蕭使君銜嚴公之恩銘鏤肌骨常抱酸辛阮嗣宗詩悽愴抱酸辛巢許山林

志

趙曰公以巢父許由自比也

夔龍廊廟珍

趙曰巢父許由夔與龍也趙曰言蕭使君也

則典樂之夔龍則納言之龍如二人之材當在廟堂也師曰子美自謂隱晦而以夔龍期蕭使君鵬圖

仍矯翼

洙曰見泊岳陽樓詩注

熊軾且移輪

趙曰言蕭使君如大鵬之圖南仍矯奮其

翼固當遂骨擢矣而且為太守故憑熊車以移輪也磊落衣冠地蒼茫土木身

洙曰文賦被金石而德廣流管絃而日新

湏康土塤麓鳴自合

洙曰絕交論道協漆志婉變於塤麓

金石瑩逾新

德廣流管絃而日新重憶羅江外

鄭曰稟宇記本涪城縣地天寶元年為羅

江同遊錦水濱

趙曰羅江屬綿州錦水則成都也

結歡隨過隙

蘇曰王陽與予

結歡眼隨過隙之駒趙曰莊

懷舊益霑巾

洙曰潘安仁懷舊賦涕泣

子曰人生一世如白駒過隙

霑巾曠絕含香舍趙曰後漢尚書郎口含雞舌香以其奏事欲使氣芬芳也公自為員外郎

而不得坐省所

稽留伏枕辰

洙曰張茂先詩伏枕終遙昔寤言莫予應趙曰詩展

以為之曠絕

轉伏停驂雙闕早

洙曰謝元暉詩停驂我悵望

迴鴈五湖春

洙曰沈休文旋

雁每迴翔趙曰張勃吳錄五湖者太湖之別名

不達長卿病

趙曰長卿有消渴之疾而公亦有之

從來原憲貧

洙曰見寧甘原憲貧注

監河受貸粟一起轍中鱗

洙曰

見莊子轍魚事

奉送二十三舅錄事之攝郴州

崔偉作

補注

鶴曰袁老悲人世驅馳厭甲兵又云氣春江上別當是大厯五年作時臧玠為亂

賢良歸盛族

趙曰周禮友行以尊賢良賢則行之傑良則才之美

吾舅盡知名徐

庶高交友

趙曰以言崔舅徐庶字元直其所與遊者諸葛亮龐士元司馬德操之流而已劉牢

出外甥

洙曰桓玄曰何無忌劉牢之外甥酷似其舅今舉大事孰謂無成趙曰公以無忌自比也泥

塗豈珠玉

趙曰言崔舅為明珠白王之質豈宜辱在泥塗

環堵但柴荆衰老悲

人世驅馳厭甲兵氣春江上別

洙曰謝玄暉江上徒離憂

淚血渭陽

情

洙曰詩我送舅氏曰至渭陽

舟鷁排風影林鳥反哺聲

洙曰東哲補亡詩敬

嗽林鳥受哺于子趙曰言崔舅侍太夫人以永嘉多北

至

洙曰永嘉之亂元帝渡江衣冠多自北至

鄭曰永嘉晉年號趙曰言崔舅自北而來

征

洙曰葛洪求為勾漏令以有丹砂也楚

詞汨吾南征鄭曰勾漏邑名屬交趾必見公侯復

洙曰左傳公侯必復其始趙曰此句可以見崔舅貴人子孫也

終聞盜賊平郴州頗涼

冷橘井尚淒清

趙曰橘井在郴州神仙蘇耽於山

下鑿井種橘救鄉里之疾病者補注

希曰橘井在郴州城東蘇耽之故宅宅今為觀井之水每酌則有金星云丹影如此予官郴嘗目觀其實從

役何蠻貊居官志在行

洙曰論語言忠信行篤敬雖蠻

有強之

送魏二十四司直充嶺南掌選崔郎中判官兼韋

韶州

大厯五年春作

補注

鶴曰詩云故人湖外少春日嶺南長為報韶州牧新詩昨寄將韋韶州即韋迢迢有

早發潭州寄杜員外詩云湘潭一葉黃蓋大厯四年秋矣則此詩當是五年春作時臧玠未為

亂公尚在潭州

選曹分五嶺

洙曰見雲山燕五嶺注趙曰言崔郎中充嶺南掌選也

使者歷三湘

洙曰願延年三湘謂洞庭七澤藹荆牧注江湘沅水皆會巴陵洞庭陂號為三湘趙曰言崔郎中出使歷三湘

也按冢字記云湘潭湘鄉湘源

才美膺推薦

趙曰言魏為人所薦而為判官也

君行佐

紀綱

洙曰左傳紀綱之僕趙曰言魏君之行崔佐君之紀綱也

佳聲期

洙曰一作斯

共遠

趙曰崔魏皆著佳聲而共遠矣

雅節在周防明白山濤鑒

洙曰山濤典選吏部並得

其才再居十餘年一官間輒啓數人甄拔人物各為題目稱為山公啓事趙曰戒魏君之佐選事當以公也

嫌疑陸賈裝

洙曰陸賈說尉佗佗賈索中裝直千金故佗送羽千金趙曰又戒魏司直以廉也

人湖外少春日嶺南長

蘇曰謝孚竄嶺外春日語客曰昔年洛下狂歌痛飲唯嫌日短

今窮居嶺南偏覺日長要黑不能吾其奈何子因有感書示翟夫子

憑報韶州牧新詩昨

寄

一作夜將

送趙十七明府之縣

大厯五年春作

補注

鷓鴣曰詩云江花報邑人又云卧疾却愁春當是大厯五年春潭州作

連城為寶重

洙曰虞子京連城既偽往荆王得真還

茂宰得才新

蘇曰謝玄暉和

伏武昌登孫權故城詩雄圖悵若茲茂宰深遐瞻太白贈義興宰亦云天子思茂宰天枝得英材山雉

迎舟楫江花報邑人

洙曰語山梁雌雉趙曰上句則禽鳥知所馴下句則草木知所喜皆

美言補注

希曰正言魯恭馴雉及潘岳一縣之花事雖隱而顯論交翻恨晚

趙君晚方論交也

臥病却愁春惠愛南翁悅餘波及老身

趙曰言施

惠愛而南人喜悅公自謂老身亦霑餘波

燕子來舟中作

大厯五年作

補注

鶴曰詩云湖南為客動經春燕子唧泥兩度新當是大厯五年潭州作

湖南為客動經春燕子唧泥兩度新

洙曰見唧泥附炎熱注

舊入

故園嘗識主如今社日遠看人可憐處處巢居

洙曰一作君

室

洙曰古詩思為雙飛燕唧泥巢君室

何異飄飄託此身暫語船檣還起

去穿花落水益霑巾

同豆盧峯貽主客李員外賢子棐知字韻

補注

鶴曰按唐宰相表豆盧本姓慕容氏北人謂歸義為豆盧因賜以為氏居昌黎棘城

又唐百官志主客郎中員外郎各一人掌二王後諸藩朝見之事屬禮部從舊次在大厯五年

潭州作

練金歐冶子噴玉大宛兒

洙曰張景陽七命楚之賜劍歐冶所營鄭曰吳越春秋干

將與歐冶子作劍採五山之精合六金之英煉而為劍定功曰穆天子東遊黃澤使宮樂誦曰黃之澤其馬飲玉皇人壽穀又賈復顧兒謂弟曰此吾宗大宛兒也補一日千里亦可飲噴同趙曰此兩句以美李員外

注

希曰會稽郡有君邪溪即歐冶子鑄劍之處西域傳馬汗血言其先天馬子注孟康曰言大宛國有高山

其上有馬不可得因取五色母馬置其上與符彩高無集生駒皆汗血因號曰天馬子練字當作煉

敵

田曰曹子建七啓曰符彩照燭魏文帝車渠椀賦發符采而揚榮趙曰傅玄乘輿馬賦曰符采橫發大率

言符光雜穆也

聰明達所為夢蘭他日應

洙曰左傳鄭文公賤妾燕姑夢天使與已

蘭曰以為是爾子詩蘭有國香人服媚之既而文公與之蘭而御之辭曰妾幸而有子將不信敢毀蘭乎穆公

名曰折桂早年知洙曰見禮蘭爛熳通經術光芒刷羽

儀洙曰沈休文湖中鴈詩刷羽同搖謝庭瞻不遠洙曰

謝太傅諸子若芝潘省會於斯趙曰潘安仁云寓直于

蘭玉樹生於庭階散騎之省今公乃工部

負外郎李乃主客負外郎盧亦唱和將離曲田翁號鹿

必官是是省郎之人相會於斯

皮洙曰見數世

鹿皮翁注

歸鴈二首

大歷五年春作

補注鶴曰詩云萬里衡陽雁今年又北歸又云

春潭
州作

萬里衡陽鴈今年又北歸

洙曰應德璉詩朝雁鳴雲中音響一何哀問子遊何鄉哉

翼正徘徊言我塞門來將就衡陽棲住春翔北土今冬客南淮

雙雙瞻客上一一背人

飛補注

希曰公在南而雁北飛故曰背人

雲裏相呼疾沙邊自宿稀繫

書元浪語

洙曰見雖無南過鴈注蘇曰孔琛憑雁繫書真浪語耳其迷過於刻劔守株者

愁寂

故山薇

再吟

補注

鶴曰詩云却過清渭影高起洞庭羣傷弓流落羽行斷不堪聞公以自喻也

欲雪遼胡地

洙曰謝靈運詩季秋邊朔苦旅鴈遼霜雪

先花別楚雲

洙曰月令雁北

鄉管子曰雁春北秋南言其避寒也楚南也故曰先花別楚雲

却過清渭影高起洞庭

羣塞北春陰暮江南日色曛傷弓流落羽

洙曰史盈引虛弓而雁落

人問之曰此雁傷弓也

行斷不堪聞

洙曰嚴僅囚於上蔡自歎曰縲絏憂羈不忍聞斷行旅鴈

愴然久之獄吏惻然

小寒食舟中作

大曆五年作

補注

鶴曰公在潭率舟居此當是大曆五年作小寒食如小至之類前寒食一日也詩云

看雲直北至長安一本作是長安

佳辰強飲食猶寒隱

於切

几蕭條帶鵑冠

洙曰漢輿服志號貴武騎

皆鵑冠南郭子綦隱几卧趙曰鵑冠者隱人之冠也春
素淑真隱傳鵑冠子舊注引虎賁武騎之冠誤矣

水船如天上坐

趙曰魯直言前人詩有水面船如天上坐杜公改一春字而精神炯然可謂點

鐵成金余曰邵氏聞見錄云少陵此句本沈雲卿船如
天上坐人似鏡中行船如天上去魚似鏡中懸也或以

此論少陵之妙予謂少陵所以獨立千載之
上者不但有所本也三百篇之中果何本哉老年花似

霧中看

尹曰張歆至秦歎曰老年看花眼如隔霧縠謂於燭下數牛毛也娟娟戲蝶過

閒幔片片輕鷗下急湍雲白山青萬餘里愁看直北是

長安

洙曰鮑明遠瀾陵望長安徐敬業登陴起遐目回首見長安蘇曰何遜古道難云直北長安道愁看

別離人

清明二首

大曆四年作

補注

鶴曰詩云不見定王城舊處長懷賈傅并依然當是大曆四年初到潭州時作故詩

又云湖色春光淨客船

朝來新火起新煙

洙曰周禮司烜氏仲春以木鐸修火禁於國中趙曰唐制清明日賜百官

新火賈島詩曰晴風吹柳絮新火起

廚煙

湖色春光淨客船繡羽衝花他自

得

射雉賦有綺翼繡頭衮背

補注

希曰銜花一本作銜花自又作紅白然銜勝銜自勝白今本為是

顏騎竹我無緣

洙曰郭伋傳小兒騎竹馬

胡童結束還難有楚女腰

肢亦可憐不見定王城舊處

洙曰長沙定王鄭曰窠字記潭州長沙縣定王廟在

縣東一里廟連岡高七丈俗謂之定王岡

長懷賈傅井依然

洙曰今長沙賈太傅誼廟有井

存焉韓愈井詩亦云賈誼宅中今始見葛洪墓上亦曾窺修可曰盛弘之荊州記曰湘州南寺之東賈誼宅有井小而深上斂下大狀如壺即誼所穿井誼宅今為陶侃廟種柏猶有存者鄭曰窠字記誼廟在長沙縣南六十里廟即誼宅中

虛霑周舉為寒食

洙曰事見桓譚新論後漢周舉博學

遷并州刺史太原一郡舊俗以介子推焚骸有龍忌之禁至其亡月咸言神靈禁舉火由是士民每冬中微一月寒食莫敢煙爨老小不堪歲多死者舉既到州乃作弔書以置子推之廟言盛冬去火殘損民命非賢者之意以宣示愚民使還預溫食由是眾惑稍解風俗頗革新序曰晉文公反國介子推無爵遂去而之綿上文公

求之不得乃焚其山推遂不出而死實藉君平賣卜錢洙曰見上憑鐘鼎

山林各天性濁醪麤飯任吾年夢符曰按酒經曰醪汁淖酒也世本曰儀狄始

作酒醪變五味蘇曰梁勰告友人曰五斗粟非所欲也洛中有薄田桑柘蔬園老夫率兒女輩操耒耜織與隣里往來濁醪麤飯任此天年庶免風波岐路易翻覆耳趙曰擊鐘而食列鼎而烹富貴人之事也山林則隱逸之人處貧賤而甘之與好富貴者各天性耳既無盛饌姑且濁醪麤飯而已

此身飄泊苦西東右臂偏枯半耳聾趙曰出素問黃帝言風曰或為偏枯

寂寂繫舟雙下淚洙曰賈誼傳不繫之舟悠悠伏枕左書空洙曰見稽

留伏枕及咄咄正書空注師曰右臂既偏枯書空者唯左而已十年蹴踘將雛遠洙曰劉向

別錄蹴鞠黃帝所造本兵勢也或云起於戰國按鞠與

毬同古人蹴鞠以為戲趙曰成公綏肅賦似鴻雁之將

離師曰十年蹴鞠言軍興補注希曰漢藝文志蹴鞠二

也將離遠謂挈子遠遊補注十五篇師古曰鞠以韋

為之實以物覺萬里鞦韆習俗同補注北曰古今藝術曰鞦

韆之以為戲也萬里鞦韆習俗同補注北曰古今藝術曰鞦

旅鴈上雲歸紫塞補注孝祥曰崔豹古今注秦所築長城土

池春雁詩又有青春欲盡急還鄉紫塞寧論上有霜之句家人鑽火用青楓補注日鑽

春取榆柳之火秦城樓閣煙補注日一作鶯花裏漢主山河錦

繡中補注補注希曰舊本注云荊州劉備所自起故子美言

而云公思故鄉也所以接云風水風水春來洞庭閣白

春來洞庭閣白蘋愁殺白頭翁

蘋愁殺白頭翁

洙曰風水一作春去趙曰四句懷長安而歎其在湘潭也

贈韋七贊善

大曆五年作

補注

鶴曰唐東宮官有左右贊善大夫各五人掌傳令諷過失贊禮儀韋贊善必韋見素

之後見素位至宰相贈司空故詩云爾家最近魁三象見素與公皆京兆人故又云鄉里衣冠不乏賢若韋思謙父子乃鄭州人詩又云洞庭春色悲公子當是在潭州作大曆五年

鄉里衣冠不乏賢杜陵韋曲未央前

洙曰未央殿基在長安杜陵韋曲地

名也蘇曰袁桀幼孤祖袁之名之曰愍孫少好學有清才叔父淑雅重之語子弟曰我門不乏賢愍孫必當復三公古雍曲引云杜陵茂樹韋曲紫花照未央之宮前當昆明之池左風物富秀

爾家最近魁三

象

注曰公自注云斗魁下兩兩相比曰三台

時論同歸

洙曰一作因侵

尺五天

洙曰公自

注俚語曰城南韋杜去天尺五

北走關山

洙曰一作河

開雨雪

洙曰蕪城賦南馳蒼梧漲

海北走紫塞雁門

南遊花柳塞雲煙

塞悉則切洙曰雲一作風

洞庭春色悲

公子鰕菜忘歸范蠡船

洙曰句踐既滅吳范蠡乘扁舟泛五湖蘇曰郭林宗鰕菜菰米

足以度歲使人忘歸

奉酬寇十侍御錫見寄四韻復寄寇

大歷五年作

補注

鶴曰詩云故泊洞庭船又云春深把臂前當是大歷五年潭州去年春深公入衡矣

往別邠瑕地

洙曰見上樓愴邠瑕邑注

于今四十年來簪御史筆

洙曰

魏略曰殿中侍御史簪白筆側階而直上問曰此補注

何官也辛毗對曰御史簪筆書過以記不依法

希曰御史所居之故泊洞庭船詩憶傷心處

署漢謂之御史府

傷心處

春深把臂前

蘭之友趙曰言在郢瑕相別之時

瞻按百越黃帽待君偏

趙曰前漢鄧通以擢船為黃頭郎顏師古注曰擢船能投擢行

船也土勝水其色黃故刺船之郎皆著黃帽因號曰黃

頭郎也今寇君既按百越則所在處常艤舟以待故其

帽偏也師曰郢瑕晉地子美與寇別於晉地迨今凡四

十年頭簪御史筆來客荆衡間故云泊洞庭船此子美

自述也公為拾遺故簪白筆黃帽乃竹

籜為冠按百越言寇按察楚越之郡

酬郭十五判官

大厯四年作

補注

鶴曰郭詩云衡陽紙價頻能高而此詩云
喬口橘洲風浪促繫帆何惜片時程當是

公在衡郭在潭大歷四年也喬
口橘洲並在潭州詳見上注

才微歲老尚虛名卧病江湖春復生藥裏關心詩總廢

花枝照眼句還成只同燕石能星隕

洙曰左傳隕石于
宋五隕星也又星

雨如

自得隋珠覺夜明

洙曰隋侯之
珠夜光之璧

喬口橘洲風浪促

驚帆何惜片時程

洙曰橘洲見橘洲田土仍膏腴注師
曰宋之愚人得燕石于梧臺之側藏

之以為大寶周客聞而觀焉主人齋七日端冕玄服以
發寶革櫃十重客見惋而掩口胡盧而笑曰此燕石也
其與瓦甕不殊主人大怒曰盲瞽之言藏愈固守愈謹
藥裏關心言治病也無暇於詩篇隋珠喻郭判官詩喬

口橘洲乃荆衡之地驚帆何惜片時程欲郭來訪已也

衡州送李大夫七丈勉赴廣州

大厯四年作

補注

鶴曰按史勉自江西觀察使入為京兆尹兼御史大夫今隆興有石幢載牧守名爵

勉在張鎬之後魏少游之前而少游以大厯二年代去鎬以廣德二年九月死則勉為江西觀察使當是其年九月後其為京兆尹當在大厯元年又四年十二月廣州人馮崇道反桂州人朱濟時反殘亂十餘州勉遣將李觀率容州刺史王翊討平之則勉是四年秋冬之交赴廣州故此詩有北風隨爽氣之句公是年在衡以畏熱歸潭終歲舟居明年又自潭之衡今題曰衡州蓋誤也當作潭州

斧鉞下青冥

洙曰禮賜斧鉞然後殺蘇曰何敬祖將軍新持斧鉞總握虎符自青冥來鎮岷隴

樓船過洞庭

洙曰漢武征南越作樓船

北風隨爽氣

洙曰登樓賦向北風而開襟王

子猷西山致有爽氣

南斗避文星日月籠中鳥

洙曰潘安池魚籠鳥

乾坤水

上萍王孫丈人行

洙曰匈奴云漢天子我丈人行

垂老見飄零

師曰諸侯賜斧

鉞然後誅殺青冥天也言天子賜李以節鉞樓船船上
有樓櫓過洞庭逕之廣州北風隨爽氣言自北而南
帶爽氣而來南斗避文星北斗以南公一人而已籠中
鳥局促不得騁子美客居局促如籠鳥飄泛如水萍豈
意垂老之年尚見飄零
失所乎行音項儔也

過洞庭湖

鮑曰洪玉甫云有人得之江中石刻直方詩話亦云大曆五年作

補注

鶴曰詩云破浪南風正回檣畏日斜既曰回檣又曰南風畏日則非大厯四年春自

岳之潭經洞庭時作當是大厯五年自湖南歸襄陽時之作

鮫室圍青草龍堆隱

本中曰一作擁

白沙護堤

本中曰一作江盤古木

迎棹舞神鷗破浪南風正回檣

本中曰一作歸舟

畏日斜湖光

與天遠直欲泛仙槎

本中曰一作雲山千萬疊底處上星槎

聞惠子過東溪

新添蘇曰右一篇劉斯立得於管城人家大厯二年作

補注

鶴曰詩云崖蜜松花熟山杯竹葉春非湖南作意東溪指瀼東而言也大厯二年作

洪駒甫詩話云劉路左車為余言嘗收得唐人雜編時人詩冊有老杜送惠二歸故居詩即此也

惠子白驢瘦歸溪唯病身補注

希曰白驢一本作白駒

皇天無老

眼空谷滯斯人崖

一作巖

蜜松花熟

一作古定功曰本草蜜一名白蜜一名崖

蜜在高山巖石之間圖經云近宣州有黃連蜜色味黃小若雅洛間有梨花蜜如凝脂亳州太清宮有檜花蜜色小亦並以蜂採其花作之而性之溫良亦相近崖蜜松花熟亦蜂採松花而成蜜也山杯一作木中白

村竹葉春

修可曰吳地志曰吳興烏程酒有名張華輕薄篇曰蒼梧竹葉青宜城九醞酒故張景陽

七命云弗南烏程豫北竹葉田日陳陰鏗竹詩葉醞宜城酒

柴門了生事黃

本中曰一作園

綺未稱臣

補注杜詩卷三十六